



朝野會通八

仁祖紀一

廿十六

91
り 伊 〇
2259





朝野會通卷之十九

仁祖紀

仁祖憲文烈武大王諱 [REDACTED] 字 [REDACTED] 號松隱元宗長子仁獻王后

以萬曆乙未十一月七日誕降于海州芙蓉堂初封綾陽君

癸亥即位

妃明德順仁烈王后韓氏清州寧敦領府事西平府院君文翼公浚

謙女初封清城縣夫人男

妃慈懿恭慎徽獻莊烈王后趙氏楊州領敦寧府事漢原府院君

惠穆公昌遠女

癸亥

元年二月二十八日夜二更蒼赤氣起自坤方向天中相搏四
更東南亦然三月十一日午時乾方天地俱震○三月十二日
李貴金瑩等奉綾陽君舉義兵廢王為光海君王誕降之夕亦



朝野會通卷之十九

仁祖紀

仁祖憲文烈武大王諱係字號松元宗長子仁獻王后

以萬曆乙未十一月七日誕降于海州芙蓉堂初封綾陽君

癸亥即位

妃明德順仁烈王后韓氏清州寧敦領府事西平府院君文翼公浚

謙女初封清城縣夫人男

妃慈懿恭慎徽獻莊烈王后趙氏楊州領敦寧府事漢原府院君

惠穆公昌遠女

癸亥

元年二月二十八日夜二更蒼赤氣起自坤方向天中相搏四
更東南亦然三月十一日午時乾方天地俱震○三月十二日
李貴金瑩等奉綾陽君舉義兵廢王為光海君王誕降之夕亦





朝野會通卷之十九

仁祖紀

仁祖憲文烈武大王諱克伯號松元宗長子仁獻王后

以萬曆乙未十一月七日誕降于海州芙蓉堂初封綾陽君

癸亥即位

妃明德順仁烈王后韓氏清州寧敦領府事西平府院君文翼公浚

謙女初封清城縣夫人男

妃慈懿恭慎徽獻莊烈王后趙氏楊州領敦寧府事漢原府院君

惠穆公昌遠女

癸亥

元年二月二十八日夜二更蒼赤氣起自坤方向天中相搏四
更東南亦然三月十一日午時乾方天地俱震○三月十二日
李貴金瑩等奉綾陽君舉義兵廢王為光海君王誕降之夕亦

光照耀異香蒲室右股有無數黑子宣廟奇之曰是漢祖之相也親命王諱從人從宗小字從雲從龍也○嘗聚諸王孫遊藝王獨畫馬宣祖并示李恒福令自擇恒福獨取畫馬而北遷時門下部曲追送道傍獨携金塗同宿以畫馬付之曰第審寫畫人塗莫曉歸壁上一日小出綾陽適避雨其門丁鬃自內出以內意請暫憇外舍綾陽遂入坐見壁上畫馬心恠之塗至為客主禮仍問彼畫何為貼壁塗曰或冀有求者耳綾陽曰此吾兒時所寫俄自內進小饌及別去恠問夫人夫人曰夜夢大駕入門俄窺避雨客宛如夢中所見故善待之耳塗自此出入潜邸終成大事時光海政亂奸凶用事幽廢母后賊虐生民王慨然有撥亂之志肺腑之親有若申景植具宏具仁皇沈命世等與金塗李貴等不謀而合約以十二日二更會于弘濟院是午李而效告變

而效父惟弘謫江界塗為府使相親故額諱而大臣禁堂會闕告于其叔惟聖惟聖告金蓋國蓋國告朴承宗

下是日金自點威備酒饌納于金高宮光海方與宮人宴樂而寢書上故留中不下日暮闕門閉承宗等不得已退于備邊司以待李貴等各率家丁武士奉王出次弘濟院長湍兵未來王親往迎之遇於延曙驛先鋒將李起等拜伏馬前王大喜解御袍衣之將士皆會金塗不至蓋塗聞有告變趨起未幾沈器遠元斗杓馳到其家曰事已至此拿命若至將束手就縛乎塗乃呼子慶徵促鞞馬具戎服策馬到慕華館器遠設大將座扶塗上坐率諸將士拜跪跪令軍中然後踰沙峴塗之後至以此也李貴先已拜李适為大將軍塗來會他處以傳令招适适大怒欲不往貴力勸注會适曰兵法後至者斬塗曰先至者亦斬左右分解於是整束部伍令諸將各率其軍以進沈器遠金自點崔

鳴吉宋英望申景裕等為先鋒進薄彰義門使力士申汝豪等持鐵椎撞破城門宣傳官以門搗奸來到先軍擊斬之直到昌德宮訓將李興立中軍李廓結陣籬前橋迎拜馬下承宗爾瞻等坐備局方鞠而攸聞軍聲皆脫身走金席門守將朴孝立開門迎入軍人之白布裹頭左把火右持兵遍滿禁中主與五六內侍十數宮女奔向北苑小門內官以鑰開門則有人牽馬立待乃金尚宮之奴聞變待候也主騎馬到濟用監松峴入醫官鄭柟壽家官人前軍直入寢殿燃炬搜覓之際火燃簾簾諸殿燒盡蓋舉義時皆與家人約宮中火不起皆走投淵故以火報之也王以未受命故殿陞上坐輅床受諸臣拜兵判權縉以下皆顛倒四拜惟承旨李德涸校理尹知敬植立不拜曰何可不知而遽拜乎左右曰綾陽奉大妃舉反正耳知敬曰然則何以燒宮曰

軍卒失火非故放也二人泫然曰前王何以處之曰厥罪雖重待以不死二人遂四拜李明漢趨拜于前王曰以爾為校理其與張維同撰教書明漢即趨詣之維驚曰位號未定有此除拜可乎遂趨進請改王許之○十三日綾陽君朝昭聖大妃于慶運宮以大妃命即位于慶運宮之別堂告廟領赦時西宮幽閉已六年人心憤惋義士投袂李貴曰此事光明正大反正之日以義兵守闕主上親往西宮面陳舉義之由請奏慈殿幸昌德宮正位坤極後招光海數其罪而廢之冊立主上然後名正言順矣議諸以為迂闊而不從至是王入御仁政殿月臺後先遣金自點問安又遣李貴及都承旨李德涸奉迎慈殿分兵曹參判柳舜翼亦已叅謀開門出迎即進內門招承傳內官啓以反正之意則大妃下教曰十年幽閉無人來問爾是何人乃於夜半

無承旨史官而如是直啓于公主已死埋於墻下耳蓋反正之事出於意外故疑其又奪公主如永昌事而有此教也分承旨閔護又以此意陳啓而終無下答李貴威備禮物來待痛哭於闕門招承傳色陳啓事仍請奉注答曰孰為此舉而乃請奉注耶十三日承旨洪瑞鳳以問安來啓大妃下教曰承旨以誰命使於余乎若然則已自立招予何為貴對曰以時未命受故只稱大將所謂承旨乃前承旨也大妃似有解悟之意又固請奉注則答曰罪人父子甬瞻及諸黨并集首然後當出宮多下未安之教貴送其子時白力陳王不可不親進之意王又遣李廷龜則書出粉板曰坐好闕自為之有何不可而乞請予予王知慈殿終不回意是日酉時始幸慶運宮到門下馬步進至書廳門外望慈殿再拜痛哭侍衛諸臣皆痛哭慈殿猶不解意王伏地

待罪夜已深矣又促入傳國寶不納慈殿乃下教曰今日所為之事予未及詳知書入可也使金大德執筆備書首末啓之日權辭曰都元帥韓浚謙率四方義兵且至矣慈殿親之內庭使侍婢傳言曰大將何以疑予予有親子予欲納國寶欲重國體無他意也王命朴弘耆奉入國寶則又命并入兵符啓字王使以兵火中失之為啓慈殿受寶置于坐歷陳前後艱危之狀祖宗休恤之義以及天命歷數既畢徐以璽授之曰好為之命大臣及都承旨奉嗣君入詣宣廟時舊御別堂行策立之禮以夜深蒼黃諸大臣皆未及來諸王子亦欲入見自點閉門不納曰此何等時諸王子并入乎是年春西宮侍婢忽蕪聲高唱曰三月某甲此門將開復見天日其有期乎宮中皆以為狂其日聖朝奉大妃復位

遣閔錄曰壬戌冬閔昌慶宮通明殿中有謗書移御移御四字自空中墜下如是者日數十度

至明年三月○昭聖大妃招致光海父子于庭數其罪是日光
海由北門跳去而不知所向直往慈壽宮僧房路逢鄭良弼進
馬與嬖姬邊氏同騎到其所親安國信家著國信白狗皮耳掩
生布直領麻帶繩鞋日高後將欲轉注他處為醫官鄭柎壽所
告遂擁來入處摠府以其所著來小黑轎進詣慶運宮伏之于
庭數其三十六罪有父王之病脅而弑之亂父之姬等語必欲殺
之上極力諫止○頒教中外臣庶書昭聖貞懿大妃若曰天生
蒸民樹之后辟蓋欲叙彝倫立經紀上奉宗廟下安黎庶也宣
祖大王不幸無嫡嗣因一時之權越少長之序以光海為儲嗣
既在東宮失德彰著宣廟晚節頗有悔恨及至嗣位之後反道
恃理罔有紀極姑舉其大者予雖不德然受天子之誥命為先
王之配禮母儀一國積有年載夫為宣廟子也者不得不以予

為母而光海聽信謠賊自生猜隙刑戮我父母魚肉我宗族懷
中孺子奪而殺之幽閉困辱無復人理是蓋呈憾於先王又何
有於未亡人至若戕兄剗弟屠戮諸姪搃殺庶母累起大獄毒
痛無辜毀民家數千區初達兩闕土木之役十年己未先朝耆
舊斥逐殆盡惟姻婭婦寺逢惡愆患之徒是崇是信政以賄成
昏黑盈朝輦金帛官有同駟僧賊後煩重誅求無厭民不堪命
罄罄塗炭宗社之危若綴旒然不惟是也我國服事天朝二百
餘載義則君臣恩猶父子壬辰再造之恩萬世不可忘也先王
臨御四十年至誠事大平生未嘗背北而坐光海忘恩背德罔
畏天命陰懷戴心輸款虜夷己未征虜之後密教帥臣觀震向
背卒致全師投虜流醜四海王人之來本國拘囚羈繫不啻牢
檻皇勅屢降無意濟師使我三韓禮義之邦不免於夷狄禽獸之

歸痛心疾首胡可勝言夫滅天理斃彝倫上以得罪於皇朝下以結怨於萬姓罪惡至此何以為君國子民居朝宗之天位奉宗廟之神靈乎茲以廢之綾陽君某宣祖大王之孫定遠君某第一子也聰明仁孝有非常之表宣廟奇愛之宮中命名之義厥有徵旨憑几之際握手唾唏屬意深重異於諸孫今者奮發大義討平昏亂脫予囚辱復予位號倫紀得正宗社再安功德甚懋神人所歸可即大位以繼宣祖大王之後冊夫人韓氏為王妃故茲教示想宜知悉○教逆魁等榜示朝堂頒示八方書王若曰予荷天地之休祖宗之靈予定內艱祇奉慈殿剗剗凶穢灑掃疆土再安宗社復正彝倫元惡大憝之助桀為虐者今既顯戮藁街虔告廟社屬茲神人之咸快用敷錫于中外凡厥在廷臣僚暨耆老民人欽聽逆魁爾瞻奸臣之後市井之徒妖狐

毒螫鍾而成性林甫蔡檜合為一人詐行欺世旌表其門以為孝子全昧大義剽竊類語自以為能文自筮仕之初已有擅亂之漸人有佞己者諂笑而延譽有勝己者陽慕而陰中宣廟燭其奸狀屏出多年積怨宣廟有同私讐密交仁弘媒進昏朝用賄結婚交通宮掖及其權勢已成陰懷篡奪謀起逆獄以專生殺之權與賊筠金閨等無賴之徒結為心腹日夜謀議始啖申慄於鳳山誣殺黃赫諸人遂起晉陵之獄繼誘鄭浹於北路廣引一代士林捏成永昌之獄追刑之酷及於國舅逼殺之慘忍於孺子陰送世曾粹起海嶽崔沂忠告尾言赤族株累死徒殆過數百及賊筠逆謀之發乃反搜面而告寢要掩其跡自益其獄南門之榜筠賊自製耕俊之檄應昊所作仁俊之招狼藉前後而榻前厲聲箝制諸臣一不寃詰掩口徑殺天日難欺路人所

知至於仇景祿朴敬立卯育門庭釀成逆謀聚糧鍊械諸招昭
在乃使元暉之奴厚賂獄卒竊負而逃事迹既蒞法當待命圜
土盛氣自誇忠孝王獄賊囚白日逃出金吾注捕拒之不給古
今天下寧有是乎久占文衡把握人材以科舉為誘引凶徒廣
植私黨之計未解蒙之諸子皆擢鬼料不識字之村氓驟躋臚
仕七大文講經預出題及第舉國奔波有同歸市壑鴨島之郊
割占膏腴斫陵寢之木公然輸載兩宮經始之後過十年而未訖
五家僭制之構彌一洞而凌雲一國工匠至集其門四方財寶
山積其庭怙侈窮奢富逾季氏而人或頌布被之儉侵民奪人
毒如狼羊而人反補下士之恭及其羣心齊激萬人共指宗戚
陳疏草野抗章則言未入闕白簡隨至或殺或杖或囚或竄不
知其幾或指為某人所喉某人所制恣意彈劾必欲置死嶺儒

四百奮義叫閭則謂之張弓挾矢謀陷逆獄秦抗之灰復燃漢
黨之籍將錮廣招美新之徒自製頌斧之章焚惑君心脅制館
學人皆重足莫保朝夕使元老遜荒賢相流竄忠良屏跡妖孽
布列納銀除拜毒害生民偽占五勳諂上虛誦盡昏君心之志
繫昏君之手足其窮凶極惡之狀擢髮難悉至於大論則尤不
忍言密嗾凶䟽陰啓昏君收議之際倡說廷臣脅之以死誘之
以利至曰唐朝數罪雖不可為漢庭廢黜盍從寬典乃攘臂數
慈殿十罪使匪學通文八方噫以臣子數罪國母是可忍也以
廢黜尚云寬典將欲何為幽閉之辱過於十年神人之痛至此
而極履霜堅冰由來漸矣食土含血得以誅之逆魁鄭仁弘
蛇蝎之性鬼蜮為心始雖盜名林下特一豪強品官中乃托跡
義兵武折鄉曲收聚頑鈍之徒私倡詭恠之學李彥迪李滉東

方大賢而因憾疏斥不遺餘力鄭益李大期直言被罪而下石畧不伸救士心咸憤門徒皆叛只與逆魁爾瞻表裏聲勢迭相推薦塗抹山野冒擄鼎軸導昏君必以刑獄倡濟流必以諂佞私母八廟之議該曹數年力寢而一言贊成終勸上奏登筵先薦施文用風水之說竟起土木之役癸丑之獄陳劄肆虐指大君為園中積豕大論之發首倡先發後奏之議至此於袁姜文姜且以為不共戴天之讐幽廢之禍決於此言使綱常斃絕人理晦塞人之為惡孰云至於此極老而不死天必有待今日逆賊韓纘男鄭造李偉卿尹認等皆爾瞻之奴隸也腹心也其交通官掖作弊中外貪虐縱恣之狀與爾瞻無異海獄之慘纘男專主而廢母之論或自韋布而投疏或自臺閣而首發同惡相濟厥罪惟均茲命李爾瞻鄭仁弘韓纘男鄭造李偉卿尹認等凌

遲處斬傳首四方籍沒緣坐破屋瀦澤等事并依律文施行其餘或誅止其身或流放四裔并從惟輕之律務遵罔治之訓邦有常訓予豈得私爰推廣蕩之恩用是勸懲之方於戲惟其所召宜思禍福之門咸與維新共躋仁壽之域云云○廢朝領議政朴承宗與其子京畿監司自興逃至楊州謀起兵赴難不克俱自縊死反正之夜承宗還家與自興走楊州令牧使朴安禮起兵赴難傳令水原防禦使趙有道發兵合勢安禮起軍進至黔川有道亦領兵將發朝廷遣申景裕馳諭安禮有道罷兵承宗自興走其墳山同縊死臨死書衣曰不能正君以致今日沈淵自死以謝天地神祇云金荷潭曰承宗之貪縱奢虐不至希奮之甚且有衛護西宮愛惜士流之心故廢論不得早決亦不無功及至反正遺書自盡可見其不拘於死生也其子自凝

不叅庭請居室以揖白揭踊白西方色蓋指西宮也乃與希奮之子混被竄謫承宗家舍田民皆籍沒以宋祖褒贈韓通事見之亦不能無憾於聖朝云正言洪鎬請褒崇承宗特命罷職玉堂上劄救之浦爾瞻率三子踰城走漢江亭搜著木手草笠耳掩渡江至梨北峴軍校追捕拿來○廢朝亂臣李爾瞻等正罪有差李爾瞻鄭仁弘韓續男尹認鄭造李偉卿朴鼎吉朴弘道白大珩李元燁弘燁益燁大燁初命絕息安置三司請正刑屢啓允韓希吉李泣閔藻趙龜壽龍等十七人正刑孛籍李覺柳希發希奮弟投大北兄弟不和李挺元朴宗冑黃德符辛光業鄭絜韓正國定國洪克倫蔡諤吉李尚恒徐國楨李日馨元惊鄭榮國俞世曾洪行箕李漣宋文奎崔光弼尹三聘安弘祉朴應屏朴承宗柳希奮序論立異而傳教以三昌之罪似無輕重而希奮獨免今日之禍為教三司爭之不得朴自興朴燁鄭遵池應觀金忠

輔李文賓王明恢宋敬臣梁漢金純權忠男禹續舜鄭夢弼僧性智尹天生韓喜晤鄭雲著李再榮李應星鄭之準李而攸巫福同尹思儉李汝戒劉夢玉尹惟謙鄭昭媛金尚宮尹淑儀內人女玉蘭香道蘭秋英生伊蘭伊淑真林金等六十五人伏誅順寧君景儉茂林君善允黃允中林健鄭道吳汝穩韓詠姜燧崔漢成夏行安應魯南省身柳活李元輿鄭湛申洎朴宗胤吳益煨朴光先李歲宋榮祿申瑞廷崔公望李榮久禹弼甸李衍禹弼舜尹伸鄭淇朴東亮權紳權純一許廷式奇順格沈大復奇俊格李祥柳希亮希安李宗英李惟聖權純性李懽孫祐安任徐兢崔興善李承吉李顯忠李景茂鄭之問呂後望郭有道鄭滄鄭灌鄭希立梁景鴻金善男福男得伊崇伊奇同一介愛進等六十五人圍籬安置任就崔應虛南瑾趙國弼張世哲沈

宗道辛義立金緻李漈韓玉李時禎奇允獻任興後沈之清申
忒任罷之權誼金昉尹昉韓惟翔李必達宣世徽鄭碩僑閔貴
達金滢羅萬紀蔡有濟任吉後金尚寓田得兩元守身金以一
李傳芳陳好善柳命立正立仲立斗立時立福立厚立有立顯
立榮立鄭達鄭鑑李營李蔭李應解李善述任徽之金大起金
時立姜益文曹次磨李弘嗣辛悵鄭之罕鄭世芳邢孝甲敬甲
鄭之良鄭世馨鄭漬漾渾鄭晚李絳辛敬業洪德民朴弘猷李
弘詢金廷亮李明申尚淵鄭雲白李尚立忠立李孝立悌立尹
思真韓會慎永健柳性善閔聖翊國翊時翊鄭稜朴弘益李之
皓李偉朴規朴乾甲金徽任瑗李英植柳瀟任伋康文翼李克
欣金孝業李歲巫女守蘭介內人玉環玉介淑卿淑隣愛順介
伊德蘭宋介生伊玉蘭寶鈿春伊春香等百十五人遠竄李時

言李惺柳慶宗李汝儉趙有道蔡承先任性之金崙郭天豪朴
成章李岑南濱羽趙存道李孝誠曹廷立鄭良胤洪景艇李慕
金汝純鄭晟李罔田潤鄭大容洪邁金澤金瑞龍李長孺李克揆
尹魯李權權餘慶李清柳孝立朴自疑柳晁立韓履謙允謙克
謙好謙閔明哲宣哲迪哲朴而立鄭忠立任獻之楊時益李濂尹
禧趙滄閔潔柳健金絳鄭瑞龍李進權必均李瑞隣鄭周翰李
恭生卞有義金忠恕鄭碩勳碩亮碩彥李增吉奉吉朴自全鄭
伋劉敬甲權淑儀許淑儀元淑儀內人貞順莫香茂香桂環真
伊愛蘭愛玉承真等八十人中道付置朴弘考柳夢寅柳瀟俞大
達尹鞏金夢虔李用晉李揚朴晉章趙有恒鄭弘遠尹聖任李
慶益趙裕善金秦夏沈之溟金振遠柳震禎申揆郭天成宋俊
俞績曾黃謹中等二十三人削官門黜韓孝純閔夢龍金信元

許箴崔有源尹孝全李冲宋諄朴槿李昌後申慄鄭沅李廷彪
丁好寬等十四人追奪官爵趙挺仁城君珙李溟韓德胤安衛
李譚鄭文晦趙雲中南斗瞻郭禮成洪元男柳益立等十二人
削奪官爵裴大維鄭勝南宮傲朴魯安傲柳起門金行槿俞湜
李升亨崔衢南宮籙尹繼倫李崇元朴元良李承憲李長馨等
十六人削去仕版鄭承緒李稷黃廷詵李守敬等四人終身不
叙宋應淳李志完黃敬中奇協成時憲睦大欽尹讓閔馨男李
志慶任章吳煥朴慄柳淪柳渠尹保衡李亨運金時悅金有亨
韓祉趙玲金汝邈閔大倫金永耆_等二十三人罷職不叙李尚毅
尹銑南以泰李光庭睦長欽趙續韓張自好高用厚李志定任
羲之朴升吉趙墳韓凝門梁有仁李久源黃隋鄭佃洪宗海李
大純梁慶遇田大年申益壽李安直黃珀許完李崇元元汲黃

尚謙朴安孝金孝達柳昌文曹淪玄太初安克忠沈俠南啓夏
李顯基黃埴趙弘瑞李省身李惟馨李得養姜信胤洪奇男崔
夢亮閔機宋克詡尹民逸李光胤下三_近李之萃金弘遠梁應
深等五十三人駁罷續男被縛渴甚求飲守卒曰大妃在西宮
飢渴甚於汝今日而汝曾不進一勺水我何救汝續男不敢更
出言○削戊申以後偽勲府院君閔馨男等二百餘人削勲降
資○命復廢朝寃死人官爵永昌大君璣臨海君瑋綾昌君佺
晉陵君恭慶延興府院君金悌男縣監金孝男復官職內官金
鳳閔希騫并復爵名戊申後逆獄寃死人一一查考盡復官爵
追贈賜祭以慰寃魂○右承旨鄭宣禮曹叅議睦大欽中使金
忠立延興夫人陪還事濟州地出去慈殿教曰濟州當送內官
別監婢子宮人各一人各別護送事一路各官有旨書送護來

官以京官別為差送反正事意下去內官處詳細書送府夫人因丁巳朴夢俊疏濟州為婢自鬻酒以延命牧使梁護待之無狀至對客乘醉令下人曰取大妃母酒來事多如此至是拿來伏誅夫人在謫多年望絕生還一日有鵲飛到簷前查查不已報喜狀夫人嘆曰家破人亡有何喜事而鵲報如是也蓋島中本無鵲而今忽有之人皆異聚觀咨嗟俄傳聖朝改玉承旨奉大妃徽旨為迎夫人來泊朝天館一島歡呼審間鵲所從來舟人皆言般叢海南時有鵲飛坐檣竿將近津頭忽然南翔始知其先使者報喜如此○廢主廢東宮江華府安置廢妃柳氏廢嬪朴氏別置東西門內判尹李适領去廢東宮裡以臘月四日生其朝有荷生禁庭窪池俄而長俄而落蓋一日間耳至是在津舟中吟詩曰塵寰翻覆似波瀾何必憂愁心自閑二十六年

真一夢好須歸去白雲間徑行到通津適與廢主相逢徑就前叩地痛哭曰父不聽子之言故致有今日主無以答李元翼入朝時大妃必欲殺光海一時大言者皆曰可殺元翼泣言於上曰廢主自絕于天在所當廢至於誅老臣嘗臣事之當自退矣上曰卿意如此當保全也鄭曄言於大臣曰廢主雖自絕于天羣臣曾所北面當哭送左右失色不答乃欲獨為之間已出去不果初曄在廣陵有言反正事曄曰綱常已絕此時宗社為重但萬一蹉跌士類殲盡則國隨亡矣如我迂儒當守天地之大分而已及其言為罪業將謝病歸諸名士皆欲引退擠者大悔交歡如初光海嘗病曄曰臣之事光海十有餘年犬馬之懷豈無舊情涕隨而零上為之動容命該司優送衣服供用之物丙子年間西報日急命移置光海于濟州障幔于船不語所往既泊彼

此去惟請下始問知為濟州愕然大憾曰我何以到此殆不能
定情濟州倅進曰公子君臨之時若能斥遠邪佞不任宦妾何以
到此光海淚簌簌下不能答云○上奉慈殿移御昌慶宮○錄
靖社功臣金瑩等五十一人反正翌日上會舉義諸將議事李
貴曰昨日之功李适居多當為兵判适避席曰臣有何功只臨
事不避而已昨日金瑩以大將後至臣欲誅之李貴力止故不果
矣滿座失色上命犒饗舉義將士於慕華館將定坐次李貴以
扈衛大將坐於北金瑩以義兵大將坐貴之上李适嫌其坐於
金下却立睨視曰我是崇秩也李大將受命節制吾等坐北可
也金大將有何功勞坐吾上乎怒氣勃勃貴溫言解之适怒就
坐适既與金事事相忤自以爵在一品功亦自負而勲居二等
子叅義舉而不得錄勲第以文官又不得職怏怏蓄憤而身又

黜作西帥以致甲子之變副提學鄭世經初入經席誦功懋懋
賞德懋懋官之語曰勲臣宜賞而不宜爵修撰趙誠立曰勲臣
自勲臣士類自士類於是李貴等辭職曰兩臣所言如此臣等
將退去上令誠立往貴家謝其失言而後已○兩大將啓新本
宮奴子二人作契事傳曰集示○以李元翼為領議政元翼屏
居驪州之仰德里間京城有變乘舟下淵遇一士人溯流而來
問之具告反正事元翼泣然流涕即回舟俄有史官承旨畿伯
來傳復相有旨促召元翼即入京肅謝時年七十七入對首陳
廢主全恩脅從罔治之請○命誅各道調度使金純黃池應鯤
金忠輔高慶劉夢玉紅宋敬臣全及害民者朴宗胄等即其所在
集示以謝民怨宗胄高靈人以仁私腹心締結爾瞻恣行威懲
士成奉使義州見美婦依門即府吏妻也突入其家欲強淫之

女走避不出宗胄入客舍捉致厥夫婦諭以禍福終不聽決割
夫婦之舌并死目前靈山縣有年少良家女其夫戍西未還宗
胄招其舅諭之使嫁其鰥奴舅唯唯退還家涕泣婦知其意哭
曰雖欲守節禍將延舅願往其家隨便從事白日照臨終豈無
報遂到宗胄家庭拜曰靈山某人婦以舅命來聽令宗胄招奴
使之作妻婦入其家歡若平生暇奴之出縊死于房婦死十六
日其夫還還十六日而反正未十日而禁即來斬宗胄于大邱
南門外持刀鬻肉者蓋數百人其婦事間旌閭○下諭都元帥
巢平安監司朴曄于平壤市曄納賂得幸久任箕伯貪淫暴虐
殺人如麻西人懼慄莫保朝夕長作廊聚都內名妓百餘人為
長夜飲風馬戲禁即到中和傳密旨于都元帥韓浚謙帥府遣
別將以待變軍五百圍上營曄方坐長廊酣宴衙奴告變曄大

怒曰惟我在亂何從生別將立塔上使捉下曄全不動示元帥
傳令乃緩步下庭着枷曄始聞反正事嘆曰我別無大罪何至
此遂縊殺之行刑街上妓輩來觀或曰汝以監司寵姬何不哭
臨妓齊聲曰使道前聽令來矣一笑而散於是操刀者四至爭
割肉本官急令入棺守以兵道內仇人割棺寸磔骸骨將盡本官僅
收殘骸五六節橫藏之以新監司令其妻妾持橫渡江黃州人
奪橫投江妻妾徒步上京○遣宣諭使于諸道問民疾苦盡罷
諸邑納銀守令及國屬屯庄蕩滌辛酉以上通欠上親政以申
欽為吏判李廷龜禮判徐渚刑判吳允謙大憲鄭經世副學金
長生掌令張維李楨吏即鄭蘊獻納金德誠司諫鄭弘翼大司
成識者以為天下精英之氣盡萃朝廷○尊定遠君為大院君
連珠郡夫人為府夫人移奉府夫人于梨峴宮改稱啓運宮○

設裁省廳李元翼請減陳田之稅充軍額之闕杜防納之弊又言國用浩繁宜先裁省量入為出擇堂即各一人句管從之○復成渾官爵仍賜祭于李珥成渾又命致祭于權鞞趙守倫崔沂黃赫○以張晚為都元帥韓浚謙國舅代也○前叅奉姜應世相當職除授應世上疏荅曰深嘉爾兄忠義但恨身死耳近當禮葬爾其指示所葬之處又備忘記此疏中姜應文忠義極為可嘉其子處逸脫喪後相當職除授又傳曰姜應世延興府院君喪事極力周旋云誠為可嘉相當職除授以慰慈殿之意府院君禮葬即為舉行慈殿賜達城尉書曰卿閉戶恭棺之事何日忘之其時則不意復覩今日卿之義氣可貴可希予不泯之志卿知之此至小之物以表予意近日苦寒一飲耳熱又賜奴婢○光海母後宮金氏黜廟後誥命以下二十二件盡為燒火神主依大

臣議燒燬○吏曹啓直言被罪儒生不次擢用次趙謨趙慶起李安真鄭復亨權滄金孝誠洪茂績有學行儒生成文濬柳衿洪百順朴應善姜鶴年趙綱金寢李有謙李有陽許賙趙恭立沈暢李榮元趙亨生金堉朴知讓○掌令金長生入來○遣奏請使李慶全尹暄等齋大妃奏文請封典慶全之父山海大北之魁初附金公諒舞弄建儲之議自托於信城君故最為光海所及惡宣廟末年見儲位已不可動又恐光海立而禍及已復欲納媚光海乃以傳攝防啓事啖仁弘投疏離間兩宮使光海疑懼窺覘微意首倡廢論及山海死慶全紹述之為弘瞻謀主而猶不欲自犯其手故反正之初得免弘瞻之誅而自知其罪終不可免其翌日性見崔鳴吉乞其命蓋鳴吉父起南即其同研之舊而鳴吉亦待以父執故也鳴吉正色曰日月重照天討

方巖尊文鳥得生也慶全曰吾亦自知必死君須追念先誼救此將死之命言淚俱發嗚吉惻然曰雖欲救之實不能思其可救之策於是慶全低聲曰聖上登極當有奏請而航海人所厭避若以我圖差使臣則海路未必死人雖死不累子孫幸而全歸則豈不酬勞而貸吾命乎嗚吉熟視良久而許之薦於朝竣事而歸遂得免死然持清議者終不以一時之勞貫萬世之惡故雖在子孫皆不許清顯已已之後始通清路○賜廢人祗死廢嬪朴氏自縊死祗亦自縊死祗在籬中吟詩曰本是同根何太薄理宜相愛亦相哀緣何脫此樊籠去綠水青山任去來與朴氏自墻內掘土鑽穴七十尺由穴逃出為守卒所捉拿入之際朴氏在內已自縊令備給衣衾棺板別將內官內人等拿鞠兩司請斷之以義答曰斷之以義是何言耶祗之穿穴不堪其苦所致

想其情事豈不矜憐頃在廢朝骨肉之變殆無虛歲此其義事乎不料今日復見此事勿為如此之論保全性命毋違予至意司諫鄭蘊啓曰廢東宮逃出之變言亦寒心為宗社者固當請討之不暇而臣之愚意以為輔導君德終始令間亦是臣子之職分廢朝骨肉之變誠如聖教人心之反天命之絕職競由此今日之事與此雖異其於聖德之損益豈無所關重乎殿下當初處之道既已曲全無憾則可不思所以善終之方而為萬世之懿範乎昨暮遑遽未免隨叅及見聖批愚衷自激不能堅執初見幾誤聖德之罪大矣於是大憲吳允謙大諫朴東善獻納李蔡正言慎天翊執義趙希逸等以及見鄭蘊之啓不覺瞿然避嫌副學鄭經世等亦劄陳威德持平沈兕遠金自點等論逆兩司與大憲李貴發啓請速處置命議大臣李元翼鄭昌衍

病不獻議尹昉議請使之自盡命依議施行祗遂自縊死命依
廢妃例舉行○廢妃柳氏卒于籬中命以禮葬反正翌日柳氏
與宮人數十歲伏魚水堂中軍士圍住兩日柳氏曰豈吾隱匿
逃生者使宮人宣言中殿在此大將方踞胡床即起立令稍退
其陣即報于上供飯頗厚云金長生與李貴金塗書曰廢朝數
滅倫紀自取禍孽然而君臨一國積有年紀廢世子雖無實德
而過惡未著并皆容護實聖世美舉也事舉之初路傳世子不
淑於亂兵不數日乃知不然比之丙寅世子王子皆不得全奚
啻千萬惟諸公終始周旋使聖德無玷不亦可乎柳氏不食死
喪葬亦用王
子君○持平任叔英平叔英辨字茂叔○辛亥殿試效劉蕡策
對數千言直斥宮闈干政戚里驕橫沈相喜壽欲置第一同列
爭之遂置丙科光海大怒命削科三司爭之李恒福李德馨切

諫勉從喜壽因此去位鳳山獄時為假注書不就曰觀其獄狀
必誣告也一日仕進必為原從功臣以此不敢出也癸丑獄稱
脚痛終不叅爾瞻以曹為南冥姓欲立祠曹溪叔英聞而笑曰
曹溪祠南冥孔德里當祀孔子耶爾瞻嘆臺諫論其謗訕削黜
屢奉安驛士大夫東南行者皆造其廬戊午聞虜陷遼東題僧
軻曰山僧忘却世間事他事雖忘此可忘聞道遼陽陷於賊吾
今不食熱中腸己未大飢或問飢而不憂何也曰餓死必為餓
鬼若復憂必為愁鬼鬼不容西役故不憂也朝命贖銀赦罪親
友欲與為資乃謝曰安有納銀免罪之任叔英乎人贈詩曰縱
死非愁鬼今生是謫仙癸亥復入侍從沈光世白上任叔英嚴
惺金地粹皆以叅下官坐直道廢錮宜陞六品許之翌日叔英
入侍言曩日被黜初不坐直言金地粹丁巳獻議未為殊異豈

可濫賞上允之因事詣闕引避而退是夜卒隣嫗言昨夢吏人持青紙赤管急索任持子家正易筮時也卒前數歲頗有異說如白樂天王安國事及沒皆驗或以仙解補之還朝祿薄新娶尹氏在沔川亦不能迎致短衾破席獨寢空宇仍感寒疾友人權做借以長衾得少汗束其衾置架上而卒親友就視短衾覆體兩足俱露上聞其卒曰聞叔英識中國山川地形華人驚服信否又曰叔英謹直士也早死可惜年四十八志操卓犖其好仁惡不仁出於天性世俗所謂第二義者一切不留於心記性絕人國朝典故氏族源委國內山川形勢州縣道里遠近風謠財賦多少皆訪問諳悉尤遠天下輿地嘗遊楊根見田中男女相語及男女姓名後數年在龍津舟中認其人述其語其人大驚己未楊巢之後叔英私憂曰自成祖北征漢兵不能入虜二百年况

胡鋒方銳中原兵力非復曩比比恐不利果大敗又曰漢兵雖敗胡亦孤軍豈能遽得志於中原未幾熊經畧守邊胡勢少挫國人時而為安又曰皇朝用法峻態自救不暇何事之圖既而熊被劾死素經畧亦以胡入關內誅卒如其言長於四六車天輅補其與王駱相上下統軍亭夜宴序流入中國中國學士謂十年已絕之調出於海外葉向高見而奇之購其全集或疑茂叔行太高論太峻學太多文太奇不類乎中行曰此特其氣稟才質使然若假以年卒其瀛洛之志不日而淳矣○上親政吏判吳允謙以吳姓人首擬初任上問之對曰臣之族人奉臣先祖祀人亦可堪故擬之上即黜其人政畢宣醞允謙大醉進伏榻下垂泣問其故對曰國將亡是以泣臣以私人擬望而上又拘臣顏情而落點上下俱失不亡而何上和顏色受之○以李

貴為御營使貴初於松都選置御營軍二哨至是使置孝宗朝設軍營肅宗丙戌為一營五部之制中興勲臣不解兵權各立衙門御營守御扈衛摠戎相繼初設而兵制太煩摠管徒擁虛名矣○以李曙為摠戎使節制水原長湍鎮軍務丙寅置守禦使摠理廣州○毀仁慶宮光海所建也○命改修宣廟實錄李恒福李廷龜等所撰定而李山海摠裁盡剽初藁而改撰之顛倒是非故有是命

子甲

二年正月平安兵使李适與龜城府使韓明璉舉兵反适叅判陸之後能文善書有名稱以北兵使未赴任叅舉義部分規量皆出其手嘗以錄勲之不滿意怏怏怨望陰懷異圖遂與其子梅及明璉謀逆前教授文晦李佑等上箋拿致奇自獻李時言韓汝吉柳公亮李渚等四十餘人下獄遣宣傳官金吾即拿梅

及明璉子瀾潤時适手下兵萬二千降倭百三十三冬鍊藝蹄補精銳聞都事到府與其徒李時白奇益獻崔德雯李廷培謀曰我只有一子將伏斧鑕豈有子死而父全之理乎男兒不死則已等死安能俛首就戮手提一劍曰敢有違者斬於是布陣城內開門納都事宣傳皆斬之期以明日發兵二十抵書南以興約以共清君側以興不蕪封而上元帥元帥并以上聞傳令列邑入平壤又令南北監兵使提兵赴難分守塞垣以斷賊路二十一日賊率眾數萬以降倭為先鋒由价川路直向京城二十四日元帥狀啓至朝廷震駭以李元翼為都體察使李時發為副李守一為副元帥往禦之又命李曙鎮開城李貴守臨津徵八路兵入援初适自負其勇惟憚鄭忠信忠信時為安州防禦使令肅川府使鄭文翼守安州身詣帥府張晚初以棄城欲誅之

惜其忠智赦之仍問賊計將安出忠信曰賊有三策使賊乘新
起之銳直渡漢水進逼乘輿則安危未可知也此上策也跨距
兩西結毛將為聲勢朝廷未易制此中策也從間道疾趨京城
坐守空城無能為耳此下策也曰以君計之當出何策忠信曰
迨銳而無謀必出下策迨間忠信從元帥憮然有懼色元帥謀
行間賊中募得迨中軍李胤緒奴孝生以南以興等聯名書付之
且給木綿五十疋孝生辭曰仍此使主脫死就生奴之幸也因
以貨之僕所不忍見者義之胤緒先已有歸順之志及得書決
策與別將柳舜懋李慎李圻等各率所部兵三十餘人乘夜奔
元帥營胤緒追恨不死轉成心病伏劍而死迨大懼自是不敢入宿官府一夜屢
易其處募死士八人使刺殺元帥及巡使一人被捉於帥府亦不
罪之饋酒縱去○二月車駕幸公州迨入據都城推戴興安君

瑁僭王號賊至猪灘既破李重老軍聞李曙守青石遂自後視
故道出松京西渡臨津李貴走還力贊去邠之策金瑬請盡誅
被拿人奇自獻等以絕內應之患李貴力爭以為被告之人多
是位高宰臣必無盡與同叛之理國事雖危急奚可不顧獄體
瑬又更請於是自獻等四十餘人皆被殺貴曰自獻立節昏朝
今被混戮顧以變生倉卒人心疑懼故不得已為此非為爾預
於凶謀使自獻知朝廷意而死朝廷不能從貴又曰大臣不可以
疑似遽加刀鉅遂縊殺李元翼翌朝始聞愕然曰夜行誅戮如
是之多而身都首相曾不預聞吾耄矣常咄咄不已後自獻宰
臣權帖退謂人曰玉汝後必昌冠玉其無後乎其後果驗初八
日賊到碧蹄初昏上奉慈殿及廟社主出崇禮門左庵集曰初
故慈殿先向楊花渡上到漢到漢江舟子中流呼不應百官頓
江始竟之屢遣使奉迎而行

足江頭宣傳官禹尚中素能水即游至江中擊小舟子得五六
船利涉初十日迨第遼與忠吉李時言子煜等募兵數千迎賊
沙峴北各司吏胥具巾服出迎坊民治道路鋪黃土而迎賊入
據景福宮立堤為主忠吉為大將護衛迺堤堤以酒肉犒軍榜
諭民都使各安業召所親之在城者排成朝廷矣○都元帥張
晚與鄭忠信等大破賊兵於鞍峴獻馘行在晚以初一日與疾
討賊或言直星七殺兵家之忌忠信曰為有聞父母之病擇日而
者行乎衆乃大服以忠信為前部大將朴永緒為先鋒將柳孝
傑為左協將趙時瑗為突擊將張暉為右協將陳誠一為殿後
將安夢尹為管餉官崔應一為鄉導將軍摠一十八百南以興
為繼援將朴震英為別將釋安功之囚使戴罪討賊到惠陰嶺會
諸將問計忠信曰賊犯京師至尊播越吾輩罪合萬死事急矣

何論勝敗且兵法先據北山者勝今先據鞍峴以壓都城使賊
不得不出戰必當仰攻失其形便破之必矣於是忠信策馬先
出陣于鞍峴又使李曙守駱山申景瑗守南山以為犄角李廓
守囊巖以備彰義路詰朝迨始知之令軍中曰剪滅此而後朝
食遂開城出兵蟻附仰戰明璉為先鋒迨居中乘順風矢九如
雨官軍皆殊死戰戰方酣風忽轉使賊在下風官軍勇氣百倍
連瓶而下風急塵起烟沙撲面賊兵眼不得開閉口不得呼吸自
卯至巳賊大潰都民閉敦義昭德門以拒之迨從五六十騎由
崇禮門走慶安橋息馬忠信引二十七騎追之賊望之一時潰
散駕至天安鞍峴捷報至迨麾下李守白奇益獻斬迨明璉首
走獻行在上戎服御正門威陳兵威百官儒生分内外序立都
體察使李元翼具露布獻馘于陣門外宣傳官以首級陳於階

上兵曹判書進前告跪逆鬼是實李廷龜格為露祭宗廟夜百官進賀翌日親臨取士罷諸道兵逆堤上曲城觀戰見軍敗自補元帥軍官走廣州欲投宿村家前縣監安士誠韓璆執獻帥府囚之以待朝令南道元帥沈器遠都監大將申景禎至日暮逆人得以誅遂縊殺之李興立下獄自殺韓潤入胡餘黨悉平○二十二日車駕還都○三月錄振武功臣張晚等二十九人安珂黃灑李元老安澈等七十餘人并加資賞職○頒赦文曰時運艱難大逆猝發於心齊國威煇熾羣凶悉就於殲誅慶懼之衷綸綍斯在徃屬昏季寔繁凶徒三綱并隳知晉國之將亂多瘠罔詔識周民之靡遺茲寡躬乘此危緒謠悲莫楚誠肯弛於撫摩政愧蒲蘆仁未徧於施措重因刑網之多漏以致逆節之潛萌逆賊李适韓明璉等跡本蠢微天賦桀猾方

債帥之熾肆久稔蛇豕之腥及會朝之清明粗展牛羊之力寅緣兵柄敢生亂階陰連遺孽指蒼天為可讎脅驅邊民窺內地之無備創殘我州府戕害我使臣寇氛彌於畿甸兵氣逼於宮闕雖知鵲起烏合終就獨柳之誅奈此鯨奔豕突上軫長秋之慮暫勞幸陝之駕遂督屯渭之師先鋒所加大憝相剪清宮振旅未淹一旬亂領妖腰已懸雙闕茲寶神祇之默佑抑由中外之協扶無妄之灾轉為延祥之日有畏則警倘是啓聖之期宗社之休寡昧何力於戲天所助者必順理無陂而不平大刑用甲兵豈予心之所欲陽春布德澤暨一方而維新李植製進沈光世以幕僚從适為所欺甚相得既歸李貴問關西事沈曰适言明璉有異心遂飛報於适及适反光世在嶺南聞之疽發背道死○金元亮深信适父子适見告而以百口保之及反書至金自

點以承旨啓囚之元亮裂衣血跡竟不得上車駕南幸自點曰
殺士之名吾自當之遣所親斬於獄中金沙溪嘗曰金某固有
取死之道其心則可疑焉○以慶尚監司閔聖徽矯殺宰臣權
縉拿問尋釋之縉急於進取初附山海見汝諄勢重遂附之汝
諄敗又附永慶永慶敗以刑房承旨治獄迎合主意數歲擢兵
判反正日又請斬朴鼎吉以為諂附功臣計而竄梁山迨慶時
統制使具仁厚慮縉應迨密言於聖徽斬縉朝廷以矯殺宰臣
下聖徽獄以心則為國削職蒙赦會北伯闕功臣等薦聖徽申
欽曰北方是士大夫竄謫之地不幸有亂而聖徽為監司擅殺
士大夫如權縉則國不為國矣議遂沮○賜朴弘耆死亂後人心不
固譏察甚盛張晚與功臣謀使南以興若有為異謀者以探可疑
人弘耆兄子允章信之以其謀告以興使金仁沈逸民發之遂

逮捕弘耆及允章兄弟允章就伏誅弘耆賜死○以鄭忠信為
平安兵使或問忠信曰公聞迨叛棄城赴帥府何也曰吾與迨
交若兄弟吾亦在告而蒙恩免拿迨反而我在傍邑為人所疑
則無以自白棄城而來明吾本心也迨既誅乃曰忠信以西路
將兵之臣使君父蒙塵今何敢自若有功者迎駕江上唯當退
歸本鎮以俟朝廷處分上驛召賜對擢授是任忠信光州人高
麗名將鄭地後也洛拓卑微為府知印嘗繇赴節度營舍於老妓妓以
節度使宴餘饋之忠信却不食曰大丈夫當為節度以已餘食
人焉啖人願下物其志氣之亢如此壬辰牧使權慄募能以狀
達行在者莫有應忠信奮然請行時年十七即獨身仗劍達行
朝李恒福奇之舍諸家授以史書警悟絕人恒福愛之如子俄
登武科上曰卿嘗謂忠信才今出身矣其以來及見獎之曰年

尚少稍長可大用也忠信為人短小目如曙星美容姿有辨英
果好氣義善料事多懸中討平逆亂封錦南君丙子春訛言倭
寇至忠信曰倭人召之不来國家大憂乃北虜耳及廷議送使
告絕忠信方病臥太息曰國之存亡決於今歲矣是冬虜果大
入○掌令張顯光赴召上引見問適用之策對曰今日之事惟
在鎮定待民稍緩然後規模可立也退而上書言去賊之本在
於修德止寇之要在於安民尚恭儉節浮華敦德化而省刑殺
務簡靜而止煩擾凡大小上下各自奮勵一心盡誠絕去私意
恢張公道以義制事以德出政則雖有百逆其敢有射天之計
乎上嘉納○宣廟玉冊破碎於亂中禮判李廷龜副學鄭經世
仍請曰光海所上尊號宣廟在天之靈必不欲受宜去之李元
翼尹昉申欽皆以為不可追改命如其言○知經筵徐渚奏曰

廢人祗雖得罪宗社乃王室至親聞其幼女為舊宮人取養宜
令該曹備給衣糧侍讀官李垓曰非忠臣不敢為此言上命待
長成給糧○追復故左議政鄭澈官爵進臣屢以為言而上以
事在先朝難之至是澈子宗溟弘溟訟寃議大臣許之○命光
海時政記倣燕山例撰成實錄從春秋館啓也○七月以李弘
胄為都元帥以前都元帥張晚之功京將之庸劣張晚之福且
所受密符偃然替納下諭召之託病不来予甚驚恠從重推考
○九月尊王大妃為大王大妃大臣禮官言自古以子承統則
母后稱王大妃以孫承統則祖母稱大王大妃漢上官皇后之
於宣帝時宣仁皇后之於哲宗時皆稱太皇太后我朝貞熹王
后至成宗朝亦稱大王大妃命如其言○以金長生為刑曹叅
判○命平壤城內以瓦易茅防其火災從監司金蓋國言也○

廟堂通諭文畧曰反正以來逆變相繼文晦告自獻而逆明璉
舉兵而反蓋尹仁發諸賊腹心也前夏夜訪文晦告以謀蓋以
文晦之父被誅意必怨國故也文晦佯許而陰告舉義諸人仁
發覺事泄詐為盜所殺有死人在梨阜峴剝其面衣仁發衣有
仁發馬鞍在屍傍仁發妻哭取尸殮葬祥原進士崔德文自賊
中逃來帥府言尹敬立妾子僧人尹仁發常在賊逆寢房內元
帥啓至始知其死之詐仁發弟仁孫招曰吾兄詐死李梅教之
鞍峴之戰斬一僧人頭曾在寧邊知其面者皆言是仁發也告
者及賊招皆言凶檄乃自獻所製也蓋賊招及凶檄皆曰廢主
當奉還也仁城當推戴也今之反正非正也夫宣祖大王進藥
飯而暴薨京親府移毛都督咨文亦曰先王疾未革而暴薨當初舉義諸人過於忠厚
不忍暴此大惡金尚宮經事先王殺後宮經侍帷幄者十餘人

廢慈殿錮之別宮將弒者數矣殺同母兄及大君八歲兒此等
罪惡國人共知今此反正之舉無毫髮可疑若仁城則以河仁
俊請弒慈殿疏為草野公論而請從之夫仁城不以慈殿為母
也則是不以宣廟為父也以慈殿為母則子欲殺母非天下之
大逆乎必欲擁立此大逆之人誠何心哉文晦之告謂仁發夜
入仁城宮私語賊招又謂凶檄所踏之印在仁城宮又謂仁城
微服會自獻又謂以千金與李時彥募兵仁城之與謀明矣今
之臣子所必討也光海自絕于天而欲力勝天意其能成乎仁
城之推戴相次發覺李适一戰敗覆而又有朴弘耆安知此後
不有如弘耆者乎平心察之必皆曉然中外大小其各知悉出
何置軒仁城當殺云者諸功臣西人之意不當殺云者愚伏
一隊南人主之深懲光海之戕殺同氣以活仁城為清論南海集

三年天啓五年正月知經筵李廷龜啓迺變後祭享多減定宗廟朔望亦廢極為未安請自來朔復行朔望祭而祇用酒果脯盃設行何如持平李景儀曰數器脯果籩筮草草毛皿之薦只在犧牲一月所用不過五六斤云請復舊制以重存羊之義答曰依啓蓋自壬辰後文昭殿位板瘞於潔地宗廟外各陵殿只行大祭朔望則焚香而已壬辰後更不設原廟十一月命招大臣二品以上議定庶孽許通事備違司啓太宗朝因給事中徐選議定有庶孽勿叙顯官之法成宗朝頒命大典時又有勿許文武生進之法而曾孫亦無禁焉其後大典註解時添子子孫孫之語自此為永世禁錮之人方當新化不可無疏通大典限品叙用條良賤妾所生等級甚明今宜就此良出至孫賤出至曾孫并許通庶幾得中○右贊叅鄭曄卒曄字時晦歸守夢朱子摻手書示盈天盈

地勿忘勿助八字悟而自負書揭壁因歸守夢出入栗牛之門登第守鍾城征繕之暇大修學校鍾人挾書自曄始更化後廟堂薦為大司成詳定學制大修黉舍令多士羣居講討日探卷承旨誨咸有法度可觀自是遷他職而常兼帶宗政後始違廢朝獨設拜辭之意迺亂首贊南辛之詐粹中風屏婦人沐浴更衣東首而逝年六十三太學捲堂來吊卿士傾會朝哭曄天資明粹器局峻正性又至孝恒務寬緩不與人較而如遇大是非或闕人名節則毅然壁立不可回○是秋宣川地黍莖有董王春三字色紅如染朱丁卯正月虜騎至平山西鞠為茂草蓋董字草千里也王春正月也其灾始驗又丙子年金山山三字丁亥有古月滅於魚羊六字

四年正月連珠府夫人具氏薨夫人疾劇上日三沐浴禱天刺

指血以進及喪初欲行三年禮曹啓為人後為所生父母服齊
衰不杖期乃服木杖期命綾原君備主喪卒哭後用白衣翼善冠烏角帶之
制○四月復立成均館廟庭碑以下李良舊文刻于石命李廷
龜追記碑陰士辰亂廟與碑皆燼其後廟貌重新故也賈畫使李時發卒時發字養龜
之玄孫李恒福薦其才智命受兵法於駱尚志慨尚志稱其奇
才可大用丙申拜賈畫使等忠州德周山城又於烏嶺設柵按
闕北咸營舊無城子等土城作鎮樓與其同年生者聚集起後
不日而成蓋知民情最重同甲故也遂作萬甲亭己未深河之敗
為五道賈畫使撰元帥事圖上方畧又置兩西十營丁巳不叅
庭議五十八卒聰明英畧雖機務叢雜耳聽目閱口酬手決無
曲當負不為目前計○副提學鄭弘翼卒弘翼字翼丁巳廢論
時正議不撓一歲三易配瑤島鍾城光陽往返六七十里中水土疾反

正後屢擢至副學皆病不拜五十六卒廉介絕人端確自守卒
能表正大義扶植彞倫年不補德用不究材身歿而無三尺之孤天
之報施安在哉○金德誠卒字景和號惺翁送清白遼安州歸題詩曰官裡
闕心無一物離情惟在百祥樓戊午自鍾城移泗川詩曰南遷
北謫又南遷兩歲三呼漢水船津吏不知仍舊罪謂吾隨處作
新愆夫人携家從德誠以圍籬事體與王徽同使各居村舍凡
五年癸亥始相聚常自謂一生世路影外無儔然知公而最相
許者白沙象村守夢至於論議亦未嘗苟合○高城郡守趙溲
卒溲字正源號止齋學于從父風玉軒又從文芳溪緯黃秋浦遊癸亥
初有臺憲之望而當路憚之歸楊根庄嘗遊三日浦詩曰四仙亭
上一仙遊三日浦中半日留春晚碧桃人不見月明長笛依蘭
舟乙卯繫獄得退溪所看心經讀三百遍謫南海茅溪嘗答曰

雷霆拂天霹靂夷地君以匹夫隻手擎天以君志氣苟能學而
充之此作第一人矣○龜川君晬卒晬字明達梅丁巳抗
疏謫順川口占三絕曰為國丹心白日明孤臣一死等毛輕封
章直欲扶宗社肯恨今朝瘴海行今承恩謹莫非天豈恨閔河
路八十回首鳳城雲樹隔孤臣戀主淚如泉○金山君誠胤卒
誠胤字景實謫南海南海自古未嘗雷霆一夕大雷霆晦冥所
處棘籬輒洞開其鎖鑰亦倒海中人或異之詩文清絕筆慕鍾王
○尊南漢山城南漢山一名日長山本温祚古都李元翼李貴
建議築城令李曙董其事周歲畢移廣州治于城內以廣州田
二千結屬山城○命江華田稅捧留本府後李貴言也○李貴
建議復行號牌法李自汝曰號牌之事始於元氏元入中國悉
以漢人分隸諸將太祖十年始命勿覩席括漢民戶分隸州縣

太宗元年分設三科中原以戶西域以丁蒙古以牛馬意者號
牌之說尤於此時也時夷夏統合版籍淆亂故使佩檀牌以相
識認云後代因襲大率本意宜乎旋行旋罷也○罷殿試榜大
憲鄭經世啓殿試圻名之後人言狼籍月黑之後試官下人與士
子相雜收券官起出後追捧試券屢請取考此固有不謹之失
試官趙希逸以下承旨并罷職殿試亦為罷榜矣依允蓋申欽
為命官而子翊全孫冕試官趙璞子全素俱以追呈得中宣廟
朴自興試券不書徽號差備官鄭造添書得中事竟自興拔去
差備抵罪仁廟戊寅庭試李廷相券中用榜祖御諱曹啓拔去
顯宗戊申庭試以制題禮再出大提學趙復陽臺啓罷又為罷
榜庚戌別試權珪券中朱筆挾書八字落幅多不安竇差備官
及承旨被罪李聘命試券等第時其父元植以考官有情知之
迹請其父罷職其子拔去不允朴千嵩試券中有二字朱筆改
竈之奸張善徵陳啓復拜○天朝以素崇煬為遼廣經畧時年
二十七智慮深遠用兵如神熊廷弼死後舉朝薦崇煬出鎮奴

兒塔赤八戰八敗盡沒其軍恚憤疽背死長子貴永介讓其弟
弘太時不讓而立崇煨誘致文龍以尚方劍斬之奴酋行間又
殺崇煨祖大壽孫訓代之

卯

五年正月金人大舉入寇金兵三萬騎以姜弘立為鄉導渡鴨
綠江先使登南山呼曰城中將士解甲出降南土軍卒悉出還
鄉是日府尹李莞被酒醉卧妓家十三日初昏韓潤變着華服
潛隨獵騎入城至曉賊騎圍城潤焚軍器以應之叛民開門納
賊城遂陷賊烹祭天判官崔夢亮不屈死○以張晚為都元
帥往禦之申景楨具宏率京砲手畿內兵守臨津李曙守南漢
沈器遠為都巡檢使金長生為全羅呼召使張顯光為慶尚驛
召使募兵勤王○金人陷凌漢山城定州牧使金縉郭山郡守
朴惟健被執乞降一時剃髮賊愛其妻妾常置帳中行軍則使婦

等各牽其妻妾所騎惟健責其妻失節妻罵其夫之不忠○朝
廷送弘立叔晉昌君緬及其妻子于虜陣弘立初信韓潤孛戮
之說至是始知族屬生存反正後善類暈征頗有悔意虜亦初
無深入意而乘勝至此云○金人陷安州兵使南以興牧使金
俊自焚死金人至城下誘以出金俊奮然曰國家任以干城奈
何一朝臨亂有偷生之計乎令古人登城答曰我國只知戰與
死不知降與和耳黎明賊乘大霧萬騎齊進彼此相搏勢如風
火賊已滿城以興俊手持硝袋與諸將依樓立射遂火硝袋屋
宇騰空以興俊父子諸將一時燒死城未被圍以興刺血書啓曰
孤城受圍而監司尹暄擁兵不救臣等有死而已付奉使宣傳
官復讎將金彥良痛父死深河之戰日夜勵志冬則戍邊鞍峴
之戰樹功辭賞至是唾手曰此讎可復死有日矣手射矢盡持

鞭棍奮擊遂赴池水死數日頁尸怒氣勃勃如生遍體箭鏃多
至數升事聞詔閔○虜騎至平壤監司尹暄棄城走拿來集示
于江都市金起宗為平安監司鄭忠信為兵使○以金尚容為
都留守呂相吉為副管領都城○命李元翼申欽韓浚謙奉
世子南下李敏求沈器遠柳斐然申翊聖從之○二月二十七
日上幸江都領議政尹昉右議政具允謙賚成李貴吏判金溼
兵判李聖求禮判李廷龜戶判金蓋國吏叅張維兵叅崔鳴吉
金自點等扈從盡釋謫竄人惟廢朝凶黨不論下罪已教曉諭
八方使人召集義旅來赴行在鳩聚糧儲轉運軍前○北兵使
尹璠南兵使邊滄領兵住江西界忠清兵使姓名未詳誰也進屯銅雀
都津元帥退駐開城拿黃海兵使丁好恕以李楹代之好恕守
黃州賊報急軍潰只率手下兵數百向平壤中路軍又潰以此拿

竄臺啓擬極律而特厚之蓋念斬逆使之功也○金人圍龍骨
山城鐵山縣監鄭鳳壽擊却之龍骨府使李希達之所籌而變
起倉卒希達棄城走海涕泣傷嘆期於自效遇賊格鬪死叛人
張士俊以城應賊府民倡義誅士俊推邑人前縣監鄭鳳壽為
將虜合勢未圍三胡將率數萬眾潛從山後將踰城鳳壽知其
謀先伏精砲三十一時齊放三首落馬轉崖死兵皆潰散收馘
數百級事聞擢鳳壽嘉善拜龍川府使兼防禦使論者以賴城
得守歸功希達云○昌城陷府使金時若不屈死二子剃髮為
奴○金人約和撤兵歸先時都元帥張晚因朝旨遣弘立蘭英
等子弟持國書往虜中諭以結和退兵之義及金兵至黃州遣
差脅和要以三事一曰割地二曰捉給文龍三曰借兵一萬助
攻南朝胡差劉海後改名興祚入樞與弘立蘭英至行朝報至京都以

胡兵已迫一時潰散金尚容放火于御庫兵戶曹太倉宣惠廳
京營庫等處於是國儲蕩然尚容即走行朝海等既要弘立等
肅拜海求進見上坐榻上不動海立不肯前怒氣勃勃張維侍
殿上不勝憤趨進曰劉海無禮上一起則大事去矣海素黠便
解其意即前就坐書示講和之意縷縷不已蓋海本遼人投降于
虜為二王子壻者也虜意本在和海居間亦以和事為己任胡
差脅去天啓年號且要王子海掌中書示假字為質朝廷以宗室昌原
令陞君稱王弟以李弘望為通信使又載送禮單于虜陣木綿
同白學三百疋虎皮一百令和議既定海從胡一人乃鏡司諫尹煌啓
曰我國以無名之和請於賊是果不降乎上以發言凶慘削奪
兩司爭之還收○三月三日築壇江都西門外與虜莅盟刑白
馬殺烏牛祭天約誓李廷龜金蓋國張維往見胡差於燕尾亭

論定約條以盟定翌日撤兵還歸補以兄弟之國撤兵之後不
復踰鴨綠江且以背絕天朝連日力爭劉海曰奔竄孤島國危
如髮而猶守信義不肯天朝誠可敬也以書報二王子則答曰以
朝鮮不肯天朝亦好意思只與我堅定和好盟約而來云海書
示歲幣甚多宰臣等力爭盡罷之只送犒軍資虜兵三營自平山
撤還慈山府使李廓揮報遼東刷還被虜男婦萬二千金縉朴
夫婦亦義州留兵六日始歸弘立蘭英仍留本國而代質其子
在其中義州留兵六日始歸信男還去我國請得韓潤不聽弘
立蘭英在虜娶妻各給遼民五百口以備使用厥後劉海率兩
女而來而遼人男女亦從而至京以無鯁給之給分遣各道弘
立還出後漢女亦來所率亦多轉成心疾而死毛將聞之推
其女而去又刷還善朴所率唐人八十餘名而去餘皆藏匿張
谿谷曰方與胡差講和之時行朝守備寡弱人情危懼雖斥和
者外為大言內實幸和議之成而畏浮議莫敢顯言獨崔子謙
鳴遇事輒首發無所避卒以是被彈又曰余與鄭錦南班荆西

郊鄭曰此虜今來意在脅和須得和即去耳竟如其言蓋鄭習
知虜情故也大司諫李榮啓弘立旣稱五道都元帥奉賊令出
榜誘民反逆之狀昭著莫若先斬弘立梟示藁街以絕驕虜之
氣又曰弘立乃降賊之叛臣而自上賜之坐而見之國家羞辱
極矣又曰國雖至此豈忍官其子以悅其心○皇朝命袁崇煥
來援使臣金尚憲在北京間本朝被兵呈書請救帝命袁崇煥
往救到鴨綠江間已講和罷歸對馬島亦聞我國有亂獻鳥銃
三百柄長鎗三百柄焰硝三百斤仍請赴援○四月車駕還都
虜旣撤歸罷各道勤王兵世子自全州入江都初十日上發江
都十三日還京陞江寧府為留後營○都元帥張晚中道付置
餼以三司請被兵之罪也○還給罪死人奇自獻等職牒宥釋
家屬○五月遣權帖等以被寇脅盟事情奏聞天朝○劉海入

京命宰臣迎接門外海我國晉州人本姓慎名敏父應昌魯溝
倭亂一家九人被掠海年十一入劉綎軍冒姓變名請以差官
東來乞下晉尋父朝廷不許使其父乘駟上末初其弟六歲入倭學
醫畜財以百金貫父俘是年與其父刷還上官應昌六品軍職
以慰之海歸從劉綎征虜戰死野談或曰海改名興祚率其弟
興基興治興良等焚其家舍若燒火者降毛鎮文龍死興祚耿
仲明從素崇煥去以副摠兵陳繼盛領沈世魁劉興治守檣島
庚午興治反殺盛繼而張壽等又殺興治○國儲蕩竭備邊司
通文京外出布時任宗親文武百官依定式出布如有加出之
勢或無準備之路不必拘於定式至於前銜儒生兩班之不為
兵者及百姓商賈胥吏中自願出布者不限其數外方監兵司
守令邊將勿論官高下惟視力厚薄自官隨便措備勿拘多小

上送○諸道置鎮營將管束伍軍兼討捕使京原咸平四道置防禦使以守令邊將兼京畿置統禦使統畿黃忠三道水軍李廷龜建請○姜弘立死復官爵喪需題給政院覆送○八月熹宗皇帝崩毅宗皇帝即位○定遠大院君遷葬于毓慶園金浦靈輦路由京城朝議以為私親之喪不宜穿過京都欲由東門外治道崔鳴吉上劄曰鑿山開路民怨必多且大院君雖未踐祚乃君之父也避都城而從間路於理有違議者又以經過宗廟為嫌李貴劄曰士大夫喪柩皆從大路而獨於大院君之喪避大路取邪徑此何禮也上即命禮官更議竟由大路初大院君薨於禍焰之餘倉卒買棺不能無欠以松脂填其四陷處權厝楊州羣場里具氏山及是遷窆羣議皆欲改棺上曰改棺之際必有人子所不忍見者為一時觀美使既安之體魄或致

不安則痛迫情反有大於不得用羨棺之時仍以勿改只加着恭而已○十月橫城賊李仁居伏誅仁居樞之孫倭亂漂泊北關父母俱死仍埋其土自稱罪人居橫城山中行僻而偽朝議信之超拜翊贊不赴包藏禍心見監司崔暉曰吾欲起兵斬主和奸臣袖中出疏使之轉達暉馳啓草曰野之人無時起兵何以為處之其疏云臣有精兵數千請先斬主和之奸臣因奉聖旨徃征虜穴以雪國恥疏語絕悖指斥乘輿因稱倡義大將破官庫掠軍器搥獄門出囚徒發縣中諸色軍屯縣後高阜縣監李擢男恒福棄妻子走原州牧使洪寶急調兵夜半三路截兵賊兵潰生擒仁居及黨與送京師誅之錄昭武功臣洪寶等六人○玉城府院君張晚卒諡忠好晚守鳳山以治最陞通政連按湖嶺所在稱治癸亥拜元帥賜尚方劔行推轂禮迺亂策振武勲六

十四卒○大提學柳根卒字梅夫 號西桐 晉魚學於黃芝川芝川曰
他日根主詞盟老夫當讓與一頭矣壬辰為運糧使多造大船
而厚其板載粟五十般般置軍官旗鼓一齊并發時已深冬京
江幾合冰乘潮張帆軍官各立旗下鳴鼓吹角椎破江水次第
下錠於龍山蓋般板厚故觸冰無傷也人始嘆服光海政亂謝
歸槐山墓下不叅廢母論丁卯木道奔問卒於通津村舍文章
原本經訓贍敏利用尤長於詩精緻雅鍊屋館閣高文大冊多
出其手宣廟昇遐代草遺教見上人服其先見○西平府院君韓
浚謙卒浚謙字益之 號柳川 進士 元十歲喪外祖司貨治喪無
所違兵房承旨請倣中朝置擺撥通邊報以嘉善為元帥國朝
一人儀表雄偉望之知其為盛德大器也與叅議公遠奉板輿
母壽席夫人輒却象樂奏感君恩一曲約卿大夫有老親者

作壽親契宣廟特賜樂以榮之記性過人自學語後耳目所觀
記歷歷向人道如昨日事國家典故文獻若指諸掌○領議政
申欽卒欽字敬叔 號玄軒 又象 村大 提學 謚文貞母夢大星入懷而生廣額大耳
目如明星右頰有赤痣如彈丸八歲詠春曰天地萬物春為長
伯舅宋應漑朝回見李文成彈文欽徐對曰緇髮等語似太甚耳
宋怒踢之以是終身有骨疼初隸成均後入翰玉廢朝以七臣
流竄超然物表專意探賸於性理大全邵子經世數忽若開悟
遂著先天管規後得邵子大全無不契焉反正拜吏判文衡遂拜
相甲子亂初命奉慈殿入江都欽啓主上不可與慈殿分朝兩
宮遂作一行丁卯夏有星孛于太陰其占曰太僕主馬之官亡
春太史奏土星入台垣上相亡欽以上相主太僕竟疽背卒文章
本於六經幼嗜昌黎晚取左馬莊騷禮記曰古樂府選詩李杜

而頗愛明諸大家書法道美立朝四十年愛惜人才獎誘後進不喜
紛更歷敬華顯而疵吝未嘗及經涉危厲而名義不玷事有
可言未嘗不言不可不為未嘗不為憂勤國事慎終如始斯文
之所宗匠士流之所依歸慕程伯子邵堯夫嘗曰伯子有聖人
之質堯夫有聖人之才朴南溪曰象村天質穎悟生綏十餘已
淹貫經史宋贊成外祖家畜多古書公日入書房不出一家號
冊房兒柳西崖李清江間名來訪清江遂以女歸之十三四手
彩動人言動異常見者竒之金清陰常曰吾伯氏常謂余汝輩
恨不見敬叔年少時人物竟未知如何也云
六年正月柳孝立謀反伏誅孝立希奮兄子也謫提川與大北
餘尊密謀復光海孝仁居亦相通往來孝立遣其子及其黨入
京締結宦官宮女約以正月初四夜舉兵犯闕與守門將謀開

辰戊

門直入大內前洗馬許迥亦與謀迥從父前府使許福在竹山
之知急遣人馳書洪瑞鳳崔暉方以仁居事在獄其子山輝待
命獄門外沈命世使隸卒往候之其卒乃孝立前所帶而後役
於命世者卒慰山輝曰明日朝廷大變令監無憂具以孝立謀
告之山輝大驚急告命世拷問之就服執詣闕下則許福之告
先到領相申欽在備局即招捕盜大將分兵逮捕而金吾即四
出賊黨及載兵器潛入者皆被捉伏誅○仁城君珙安置瑯島
賊招或云受密旨于江華使仁城舉事孝立招又有珙密奉
慈旨誘聚凶徒等語慈殿聞之大驚下教鞠廳使之嚴訊上特命勿問焚
其供李貴上劄曰珙曾為廢母收議自知得罪倫紀乃敢矯誣
慈旨今乃不問而焚之恐失為慈殿辨誣之道也於是三司發
啓百官庭請按法大司憲鄭蘊上疏曰前車既覆後車可戒試

以前後較之第與叔孰重永昌之蒙無知識仁城之跡無疑似果孰寃孰不寃乎曩時之請殺永昌今日之請殺仁城果孰是孰非乎若不問義理之當否形迹之虛實而一以賊招而已則逆微之興殆無虛歲仁城雖除豈無仁城噫先王之子盡之矣又曰殷鑑不遠只在廢朝若使廢朝不殺同氣不廢母后則雖以殿下之至仁盛德不能一朝居此位也答曰卿忠直之論予甚喜悅賓廳三啓始許出置初擬濟州上以太遠置于珍島給馬付配妻子隨往中使護送○錄寧社功臣許福等十一人○五月珙因合啓賜死妻孥定配濟州○廢朝叅判柳夢寅被誅夢寅中北黨也少遊成渾之門被絕舍憾及渾卒作書嘲侮附托大北反正後東西轉徙不恒其居孝立獄辭連被逮委官問汝何為逆謀何為亡命夢寅曰光海之必亡婦孺皆知新王之

盛德奴隸亦知我豈有棄聖主復庸君之意哉且我非亡命但往居西山耳委官曰西山之稱我亦解聽使武王立箕子為天子夷齊猶當入西山耶夢寅默然良久曰我嘗作孀婦詞以見志以此為罪則死無所辭因誦其詞曰七十老孀婦端居守空壺傍人勸之嫁善男顏如槿慣誦女史詩稍知姪姒訓白首作春容寧不愧脂粉諸相臣欲活之勲臣等曰不殺夢寅則效尤而不立朝者必多竟施逆律夢寅自難於于堂○贊成李直彥卒直彥壬辰以獻納在龍灣有饋夏扇者直彥曰此何時也具陳自劾舉朝肅然將赴遼請餉盛寒露宿驛人進羊裘却之曰君父越在草莽臣子何心取煖時將追罪鄭澈乃極言澈寃大忤時議廢母議起不與庭班反正拜贊成八十四卒孝友出天忠君愛國白首不渝屢典郡邑治常最一道選廉謹○吏曹判書李暉光卒暉

光字潤卿詩曰庭前有月松無影檻外無風竹有聲人謂神童亂後為大成請修文廟仁穆入宮請行廟見禮常以簡以制煩靜以制動八字終身服膺文出六經詩學盛唐琉球使遇於帝京得公詩歸傳其國有趙完璧者隨商舶到交趾交趾人出公詩示之曰爾知爾國有李芝峯乎極論光海追崇之非癸丑後歛迹畿庄光海舉晬光及崔瓘鄭暉名曰秩高宰臣無意討逆人臣之道果如是晬光暫至即還至是卒性淡然無嗜好議論平正不事交遊超然於文網之外沈一松嘗嘆曰保全清節不為宮掖知名者惟芝峯乎申象村亦稱以金玉君子足不踏貴勢之門身不入偏黨之目嘗以呂微中范淳夫自期有詩文三十二卷采薪雜錄讀書錄解警雜編各一卷秉燭雜記剝說餘昇平志各二卷纂錄羣書二十五卷芝峯類說

二十卷○金改國號曰清改元崇德

庚午

八年崇禎三年三月雷震太廟門外之木大司憲鄭蘊應旨上疏曰

刑獄不中則冤氣生之凡人無辜尚如此况先王之子乎珙之無罪臣已陳於前矣然死者已矣使其老妻釋兒尚在海島以綺紈膏粱之養而一朝饑寒困頓哀號而不恤幾何其不至於無噍類也殿下待之骨肉如此災異之生不足恠也臣請追釋其冤復其封爵還其子女失無婚姻兩司請罷職李貴劄請斬鄭蘊以明倫紀○五月檄島裨將劉興治與祿之弟叛殺都督陳繼盛平安監司金時讓狀啓言不過五六朔興治不北走則東侵若知朝廷之意在於伴臣李碩則彼必執以為奇貨其所以惜伴臣逼以害之正如李靖所謂唐儉輩不足惜也遣摠戎使李曙副元帥鄭忠信率三道舟師討之興治領兵往旅順口官軍

遂罷歸天朝諸將聞而義之卒未興治又為其下張燾所殺○
七月前府使李命俊上疏極論上躬闕失又曰一二朝臣寅緣
曲逞私進女子請黜疏入即出其女特除命俊大司諫趙翼繼
上劄曰君子知幾當憂其漸人臣愛君當防其微且聞畫工入
闕屢日不出又豈非喪志之一端乎俄回備局啓大激天怒而
有查覈言根揀擇嬪御之教翼又劄戒曰凡因怒而發者必失
其正若初無是事則言者誣矣若實有是事則言之固矣推覈
言根豈不大駭聞聽乎嬪御之說固是常事不置嬪御此聖上
最高處今因諸臣之言忽有此教亦恐為怒所動而不得其正
上為之開納○十一月遷葬穆陵原州牧使沈命世上疏言穆
陵地不吉且有水氣命改卜諸議咸曰健元陵第二崗實先王
所屬意而戊申特以月年不利不克用今不可捨此就他遂定

遷奉初四日三點破舊陵時上御崇政殿月臺行望哭禮百官
以練布團領布紗帽熟麻帶行禮二十一日下玄宮是日虞祭
後上下皆除總服玄宮在殯時適值冬至因鄭經世劄權停賀
禮只行望哭禮兩司啓今此遷奉蓋因沈命世陵有水氣之說
及破陵封了無水氣至啓玄宮少無潤濕衆心齊憤請命世削
職

粹

九年二月江陵集慶殿火太祖粹容遭變君臣上下素服哭三
日初江陵境內空中天火下落延藝甚遠未幾有集慶之變又
有襄陽洛山寺之災此亦天火十里人家四山松柏一時灰燼
梵宇蕩然災異慘古今所無太祖粹容凡五處穆清殿京永崇
殿壩集慶殿州濬源殿興慶基殿州也壬辰亂穆清淪沒永崇
慶基則奉安于欽香山集慶則奉安于江陵而慶基則還奉永

崇則移檄於慶基將還安而通有西警奉安江都○楊天植鄭
搏後孫謀反伏誅○昭德門外蓋井一日二三鳴動如磨轂聲
者連日○七月陳奏使鄭斗源回自京師獻西洋國火砲等物
斗源先來狀啓曰西洋去中原九萬里三年可達皇京陸若漢
即利瑪竇之友也嘗制火砲以滅紅夷毛夷尤精於天文曆法
到廣東請以紅夷砲討虜師帝以為掌教官送登州軍待以賓
師欽天監修曆亦全用若漢之言若漢來見臣時年九十七精
神秀麗飄飄若神仙中人臣願得一火砲歸獻若漢許之并給
其他書器列錄於後治曆緣起一冊千里鏡說一冊天文畧一冊利瑪竇天
文書一冊遠鏡說一冊職方外記一冊西洋國風俗記一冊西洋國貢獻
神威火鏡疏一冊天文圖南北極兩冊天文廣數兩幅萬里全圖五幅紅夷砲
題一本千里鏡一部窺測天文亦於百里外看望敵陣中細微

之物直銀三百兩晷觀一坐定時刻定四方定日月之行自鳴鐘
一部每於十二時自鳴火砲一部不用火繩以火石擊之而火
自發鳥銃一二枚之間可放四五次捷疾如神焰硝花即煮硝之
鹹者土紫木花即綿花之色紫者○城江華府命李曙旬管
先備十萬石糧餉改邑城及甲串城沿江四面各造大倉以便
糴糶○命刊故叅判崔宣文集校書館啓豈以文章鳴世近代
文人可傳於後世者無如豈而遺藁散落將至泯滅人皆歎惜
朝臣方相議鳩財活印書成後亦宜備睿覽上可之○八月前
刑曹叅判金長生卒字希元諱汝漢長生大司憲繼輝子嘉靖
戊申生從初宋翼弼受近思諸書長師李珥間道義之要宣廟
戊寅薦除昌陵叅奉隨大憲如京師守定山安城癸丑獄庶弟
二人拷死論大逆當坐會有大臣言事遂已光海朝應厚曰金

某亦與知否曰金某賢者某等有謀猶恐其間知也自是還鄉
屏居不通外人嘗言先儒論學處雖程朱話頭便能曉解其當
否至如詞章利病出於村家學究者亦未通透榮衰授掌合議
私廟稱號以程子濮王議稱叔侄為定論特除司業訓迪多士
為元子輔養官陞嘉善丁卯為號召使入覲江都年八十四終
敦厚和粹自然近道立心也專而確用力也密而篤玩索踐履
交致其功德器渾成粹面盡背其於禮學用功最深考證精博
所著有經書辨疑八卷近思釋疑一卷疑禮問解八卷書疏雜
錄若干編添註家禮輯覽三卷喪禮備要一卷行于世宋元庵
曰沙溪自言少時往受學於龜峯食無醬乃以一握鹽入口吞
之經年而歸過一婢家始得食葵羹其味之美久不忘也又曰
曾撰先生行狀以粟谷此文王沙溪比周公沙溪粟谷之間豈

敢曰無差等哉○判中樞事徐渚卒渚

字玄紀歸藥峯為仁川
按六道謚忠肅

訓導府伯姜緒禮之曰不卑小官真大度士也托以其子壬辰
以黃廷或從事入北鞠逆之亂集兵數百請鄭文字入保鏡城選
用擊賊斬一將進兵斬六將馘八百餘級還我民數百得黃金
鎧知死者乃巨酋也人謂自賊入北無此奇功本公倡義糾合
之力也槩叙功奏捷皆出公手故沒而不見朝廷未之知也奏
記廟堂陳戰守之策宰臣極稱李綱策陸贄文也以七臣被逮
謂諸子曰國事至此復何言哉教諸子強為善勿以家禍自沮
反正後論韓孝純以大臣督率百僚勸子廢母其罪擢髮難赦
今雖已死可罪其子遂命竄其三子孝純即椒房近屬初無敢
言者而獨抗論得允中外快之公風神俊爽鬚髯美目光耿耿
射人性伉健有萬夫不奪之氣受任方面遍歷六道窮邊絕塞

人迹罕到處亦皆登臨觀覽山川險夷道里遠近闕隘戶口緩急多寡一皆留心指陳規畫千里之外如在目前或問白沙當今人才白沙屈指字公曰徐某其人也金荷潭曰渚承命捕金德齡狀聞于朝曰權慄使德齡討夢鶴則四日遲留觀望成敗此八字遂為德齡斷案而不得免人皆咎之戊午生于安東外家十年五月尊定遠大院君為元宗大王祔太廟改興慶園為章陵癸亥親祀時詢祝嘏祭式禮判李廷龜啓宋英宗之於仁宗我宣祖之明廟皆叔姪行故稱濮王德興為伯叔倫叙順事理明今我聖上以孫繼祖而考位則闕矣正與漢宣帝畧同宣帝於史皇孫稱皇考八寢園不置後但皇字未免嫌貳故程子謂之失禮亂倫今若稱考不稱皇稱子不稱孝別立支子主其祀祀典封號一依德興之例則重統報本之道庶乎兩盡也李元

申士

翼鄭行昌如禮官言鄭經世亦以稱考為是金長生上疏言帝王之禮莫嚴於繼統雖兄繼弟叔繼侄皆有父子之道今殿下直承宣廟統則何可謂考位闕乎漢宣帝繼昭帝之後而尊所生為皇考議者謂以小宗合大宗之統而不是之程子言其亂倫失禮亦以傍親不可加考字非以皇字為非皇者乃大字之義也上曰凡人有祖然後有父有父然後有身豈有祖而無父之理乎朴知誠有言當稱考服斬其族人敬陵叅奉李義吉疏則曰殿下之宗廟為殿下父祖曾高而設也直為追崇入廟之論張維趙翼謂當稱考吳允謙謂當稱叔崔鳴吉上劄言大院君宣廟之子而殿下大院君之子一朝無端自托於為人後之例而降其父母則父子祖孫之倫顛倒失次豈非人倫之變乎晉簡文帝以孫繼祖而其父則元帝也唐宣帝以叔繼侄而其父則憲

宗也漢光武以疏族繼統托於為人後之義稱考於元帝然光武之元帝其實侄行也與凡桓帝之於順帝靈帝之於桓帝亦皆侄行故有稱考之處以從孫立者惟一漢宣帝不可以祖為父於是大臣魏相建議以史皇孫為考而昭帝為祖既後昭帝又考史皇孫雖無兩考之失亦有二本之嫌故先儒或以為非或以為是明建文帝亦以孫繼祖追尊其父為興宗而當時學士如方孝孺者亦無異論其他以藩王入承大統者不可殫舉而皆繼伯叔父之後祖其祖不得父其父祖其祖父其父而父非嫡嗣者上下數千載獨殿下一人而已追崇之不可已章章明矣上教曰頃日諸臣不知宣祖無子而有子寡人無補而有補拍於橫議十年不悟有忘父稱祖之譏此由予不孝也令禮曹議定俾無未盡於是禮曹覆奏大臣獻議遂舉追崇之禮復用成

宗朝例遣洪寶李安訥奏請準許後引成宗故事行祔廟禮受賀頒赦崔有海之使寧遠也漂到登州與戶部郎中宋憲論禮戶部移書略曰細聞該國禮義豈無義起之禮天無二日人無二尊既為人後又隆所生則是二本也二本而不知嫌則如不義何若無所後父子大倫天地定位不叙昭穆如非禮何國君取支子入承大統則義重君臣不敢以私恩躋大宗也若無受國之恩而身懋鴻烈直紹祖統則尊父承祖乃所以尊祖叙倫非循私恩傳也開國則謂之祖中恢則謂之宗百世不遷則一也功光祖宗何可第其等追王達孝祭以天子之禮著在聖訓人臣將順亦一道也李貴得此書乃陳劄以進臺啓以有海敢以莫重典禮私相問雜於奉人請削板不傳曰今觀戶部之文可謂不謀而同遂定追崇之禮合啓畧曰宗廟之內列聖所處而大院君無受命臨

民之事一朝上序於昭穆則亦嫌尊祖之義請寢成命三公啓
玉堂劄亦請還收答三公曰宗廟之禮昭穆為重只上尊號不
叙昭穆禮甚未安予為卿等堅執今姑不入廟卿等亦體予意
亟停勿煩啓事停止後禮曹誰鳴啓稱儀未及之前先為改書
神主當初大院君改題則以考稱而不為傍題啓運宮題主時
以顯妣稱而以綾原為傍題今於大院君加皇字啓運宮
改題字削也別設權安之所祭用王禮以待都監畢後事允下又
因禮曹啓一邊上號一邊奏請以追崇之意告廟禮曹啓若依
四祖恭靖例皇考只上四字謚而仍稱大王皇妣上二字謚微
寓謙遜之意則於情於禮似為十分穩當而又考成廟朝故事
則初上四字謚後又加四字為八字減字上謚非臣子所敢輕
請請大議臣傳曰依成廟故事舉行勿減字數宜矣賓廳會議
上謚吏判李貴上劄請稱宗號毋使大禮再誤事答曰近日禮

官不為擔當凡事兩欺說話推委於大臣歸咎於君上良可嘆也
府啓請追崇謚號依太祖朝例只上四字事答曰減削已定之
尊號實非臣子所可忍為爾則若以為濫則勿言于寡昧與主
張指揮之人任意削去可也禮曹啓稱王與大王稱妣與后議處事議
于大臣則一依成宗朝故事為之傳曰凡事不安則不許既許
則快行可也今也不然言言吝惜事事減削予切痛為執義權
璫避嫌畧曰不及臨御矣不及發政矣盛德茂業無跡可尋而
育德毓慶為可稱謂則四字義名足以盡之不得於言而強為
架虛其於尊顯之至情亦有欠於誠實之道矣備忘記權璫無
君不廷之罪令禁府嚴鞠朴東善身為長官同事不禁之罪削
奪官爵遂加廟號元宗尊崇時諸議李廷龜鄭經世謂當稱考
喪服不杖暮廟享綾原主祭服廟為金長生謂當稱伯叔父服

喪不杖暮綾原主祭皆主春秋朴知誠謂補考服喪三年享稱

廟皆主儀張維謂補考服喪杖暮立別廟補為祖後服趙翼謂

當稱考不杖暮綾原奉祀入主為後六月仁穆大妃薨葬惠陵

十一年都元帥金時讓副元帥鄭忠信拿問定配時胡差來言

當革兄弟結君臣待來差如天使增歲幣黃金萬兩白金萬兩

五色細紬十萬同白苧一萬同精兵三萬戰馬三十朝廷以為黃

金非國產其餘折半修單付之胡差到開城掣破單子盡棄卜

物而去乃遣金大乾言歲幣難從以示絕和之意春信使申得

淵至瀋陽被黜還時讓留大乾于義州與忠信聯名疏以為歲

幣漢唐所未免天下事皆可悔獨此事不可悔上以其擅留使

臣以沮人心欲集示因備局啓拿問減死時讓寧忠信長定配

大乾不得入虜境而還上始許懼歲幣○都元帥金自點副元

帥尹瑀西下○遣舟師討中朝叛將孔有德焯仲明有德等舉

眾投虜舟到狄江天將追擊我兵夾攻破○六月吏曹判書鄭

經世卒經世字景任辨愚伏八歲讀小學未半文理自通壬辰

募村兵設伏斬捕中賊矢墜崖母及弟被害招募兵糧復讐討

忤仁弘被劾歸癸亥以副學召七十一卒東宮拔例舉哀遣官

官致祭者癸曰鄭賓客平日嗜禮往無失禮經世長身廣額目

先耿耿聲如洪鍾天資豪爽俊偉清白好禮立心以忠厚寬仁

為主進學以精思實踐為本私淑於退溪湖本於考亭想像欽

慕以為準則抄朱子封事雜著為八冊名朱文酌海蓋與節要

表裏云不為崖岸嶄截之行驚眾取名不為和光共塵之事嶄

嶄自立平居論議渾厚平鋪一見知其為長德君子李蒼石曰

愚伏聰明絕人識處極微見處極高雖五賢如退溪先生當有

所讓處矣蓋公之學出於西崖柳公西崖之學出於退
溪退溪平生尊信朱書公於書無不讀而最深於朱書立朝論
誠經幄講說靡不自朱書中來○延平府院君李貴卒貴字玉汝
黜齋靖社元勳贊成石亨五代孫權夫人夢異人授玉尺曰汝
家當得異兒此尺藏甕中慎勿開俄視之水滴甕白龍蟠其中
故及生小字盈龍二歲孤隨母落南十五還京師粟谷上疏
訟粟牛壬辰以康陵叅奉起義勤王請親征為宣諭使督芻糧
為李德馨召募官巡嶺南疏列鄭仁弘十罪癸卯文科崔沂之
微獨往見之配伊川癸丑移書德馨請救國舅現癸亥直拜
吏叅扈衛大將拜吏判持平吳瑋論其銓長之除出於自請上
曰李貴自薦殆無虛月若以自薦也則為相久矣貴疏曰臣見
國事日非慷慨憤懣爭是非於大臣則時肆詆罵不知大臣之為

重爭是非於君父則極言竭論不知君父之為尊見大臣謀國之不
臧則寧欲身當大臣之任見銓曹用人之不公則寧欲自居銓
衡之地榻前自薦非止一再以此君上見輕同列笑侮臣非不
知而欲禁不得臣之實無好爵之心國人所共知也責自少悵
慨以經濟自期宣廟朝數上書言事人目以疏魔坐此落拓白首
遭逢感激奮發欲大有施設諸公多以為濶於事情上亦疑其
不適時宜雖不能一一採用遇有大事則必召而決之事君專
以勿欺為主屋下私談靡不上達人皆憚之不敢以私語及公
登對奏說縷縷不止史官疲於記註遣臣倦於聽聞其心虛而
無物其氣剛而不屈其言質而不華其慮遠而不求近效忠君
憂國發於至誠所謂可大受而不可少知托六尺之孤寄百里
之命者其在斯歟術一日訪鰲城值少出勒馬臨門呼女奴曰

為我語吳嫂俟令公歸我當再訪我管下奴幾名馬幾匹可照此具夕飯以待鰲城歸夫人笑迎曰長城透濶進賜不在而勅我具飯如自己老婢俄而携妾叩門狎坐中堂進飯相處不知有主客之禮及卒上為之舉哀聲徹於外

成甲

十二年正月前領議政李元翼卒元翼

字公勵 號梧里 策庵 聖封 完平 謚 文忠 配 仁祖

庭 秀 泉 副 正 貞 思 山 見 輔 曾 孫 二 十 三 登 科 歷 兩 司 平 居 杜 門 獨 坐 人 罕 見 面 稱 以 處 子 正 字 選 任 黃 海 都 事 方 伯 李 珥 才 之 有 事 輒 詢 還 朝 薦 揚 遂 開 顯 道 而 一 不 過 李 門 善 漢 語 牧 安 州 州 古 無 桑 謂 不 宜 土 乃 課 戶 播 甚 至 今 稱 李 公 桑 壬 辰 以 吏 判 特 拜 箕 伯 以 備 西 行 鎮 撫 策 應 咸 得 其 方 乙 未 拜 相 兼 體 察 以 嶺 南 地 廣 請 置 左 右 監 司 廢 朝 設 畿 甸 大 同 法 臨 海 獄 以 護 逆 滯 嘗 入 對 極 言 君 德 朝 政 言 淚 俱 下 主 遽 起 入 宮 怒 謂 左 右 曰 人 言

李某曰啜黍粥一匙今日喫他罵辱其言甚不祥汝輩早晚死他手裡也立劄廢論付置洪州庚申放還居驪州仰德里癸亥復以領相入朝都民加額曰李相公至矣首請光海全恩屢乞骸骨不許賜几杖賜舞樂丁卯告歸疏曰臣本欲需時事平定得請骸骨今太平無象臣老病垂死不得已退歸命起第於梧里令道臣繼給米饌賜素褥衾承旨復命言其第屋蕭條不蔽風雨上曰為相四十年有數間茅屋而已耶遂有是命清苦自修事君無隱進退有義為時名相八十八終遣都承旨李敏求往吊敏求歸言於上曰領中樞喪事窮不能成樣命送棺材諸具世子臨吊百官會哭都民父老亦會哭也其事也以誠信不欺為主當言必言言必盡意其有不盡者必其事勢有不可磯者故不為無益之辯以自取名居官未嘗無故呈辭其有不病

而引入者則必其言有不得行不欲為苟去以冀回悟也常好
看書而當官則便束書廢之早夜思惟公事而已曰今人作郡
讀書此非吾才所及也嘗開府成川以帳殿泥露寓居陋室積
馬草於階仙樓癸酉冬夢得絕句有春月不吉之兆及疾革命
移篋正堂而卒鄭曄謂申欽曰完平誠一代可人但恨不讀書
申曰完平作事皆中理非學子鰲城問卿相優劣於沙溪答曰
完平相業非他人比李蒼石曰公襟度精明表裡純一平居辭
氣溫溫笑色可愛臨事屹然如山岳之不動居官處事純用詩
書參考古事而自合於理有宰臣語人曰孰謂今世無聖人完
平真聖人也時當事會廟堂有論必待公一言而決矣鰲城常
曰吾每事依行首裁處象村亦云癸亥權奸之有罪將待公
生殺其中一宰罷妾以其珠履納公側室以丐命公見之垂

淚曰使臣下有此物其君安得不亡使姬妾有此物其人安得
不死公早沈下僚姜緒每見歎曰國家有大亂此人必灑泣擔
當李澤堂曰公歷事三朝終始一心忠義著於板蕩節義彰於
昏亂佑我聖朝維新邦命功存社稷道扶綱常此其所立之
大者若其恬靜之志清白之操承家之孝奉公之勤立論之正
行宜之備表表在人耳目者惟口碑也○工曹判書張顯光上
疏曰殿下於所生所以致孝者既盡矣而人且疑其過於禮也
况入廟者古所無據之禮此欲孝而傷孝求仁而害仁也時將
祔廟舉朝力爭大諫俞伯曾揣上意值臺諫一空乘時停論即
擢經筵二銓以示寵嘉大憲金光炫等共劾之上怒并命竄巖
塞張維曰啓運宮之喪朝廷議上服制以為上既承大統與為
人後無異當服不杖葢迨于子謙鳴以為上是為祖後非為人

後也既存父子之稱三年通喪不當變改余謂禮父在為母猶降服杖舂以其無二尊也上雖非為人後既承大統與伸其私尊宜倣父在為母之文服杖期上初欲三年舉朝力爭竟服杖舂又曰鄭愚伏據禮君之母非夫人服緦文之以為定禮子謙大以為然余謂君之母非夫人為父之妾此言庶子為父後已之母是父之妾禮當服緦也今日之禮異於是竇先論大院君亦可用乎子謙大悟愚伏聞之亦悟其非而改之子謙因此便執三年通喪都無壓屈降殺之節既而駸駸深入於追尊入廟之論遂為羣議所非又曰癸亥初議大院君典禮沙溪以為上繼宣廟之統猶父子也不當復考私親宜自稱侄稱大院君伯叔父時月沙溪為宗伯愚伏守夢諸公皆謂上於宣祖孫也非子也既無所稱考而稱大院君伯叔於禮無據當稱考自稱子愚

伏尤主其說力破沙溪之見及丙寅喪禮諸公力主不杖之論謂上猶為人後也前後所論未免矛盾大為沙溪所笑又曰到底主稱叔當從降殺者沙溪也到底主稱考畧無降殺者迄平子謙也稱弟則從父子喪禮則從叔侄前後異同者朝議追崇之與論喪禮別李義吉首發迄平及許陽陵主張之子謙從而扶植之義吉朴仁之誦門人也又曰為人後者稱本生為伯叔經史無明文故漢議時歐曾諸公力主已見為范馬諸賢所掊擊今則既有程子正論不容有異議趙飛卿翼獨謂為人後亦可稱本生為父母未可曉也金時讓曰啓運宮葬命一依國葬大臣三司爭不得崔完城以意不同辭副學辛未完城為相劄請追崇享以別廟領相吳允謙左相金瑩率卿宰三司爭之上違金相而尹昉相士申崔相復申前請大臣三司又庭爭之遂

追崇別廟甲戌又劄請祔廟金塗尹昉與三司庭爭上怒通金
竄臺諫大諫俞伯曾都憲李聖求窺覘上意排僚議請祔廟從
之○改量三南田平時慶尚道四十五萬結今為十萬結全羅
道四十萬結今為十二萬結大憲趙翼疏請詳定貢賦應入之
數要使結數之多雖倍於前貢賦之入則無加於舊假使千結
之邑前日貢賦千石之米則今雖得二千結貢賦之數無過千
石以此千石均於二千結則前日一結出一石者今出半石矣
分以此忝的俟打量訖施行不從○青興君李重老子文雄殺
李守白特命減死杖配楮灘之戰重老戰死守白慙取重老首
邀功於适适敗又斬适降得貸死至是文雄斬守白頭詣闕請
死議大臣吳允謙金塗等引梁成樂安之子京雋我朝申漈之
子用漈事以證之曰不斬守白者一時慮後之計也子復父雙言

者萬古經常之義也豈可以一時慮後之計傷萬古經常之義
乎遂命原其罪只令杖配○大提學李好閔卒好閔字孝彥五

策應聖

封延陵十二見監試榜即寫出二百具父名一字不差壬辰絕

裾執豹咨奏旁午副應不竭龍灣罪已書遠近莫不流涕世比
興元詔和議之作獨曰萬世之讐一朝許和殿下何顏拜宣靖
兩聖於宗廟乎母喪起復方議渡遼座上賦詩曰天心錯莫臨江
水廟籌淒涼對夕暉滿座皆泣遭難郊居壽躋大耋作者英會
春秋携酒相會厖眉華髮奕奕如圖畫中人嘗以所得於皇朝
恩賜者買地斜川築山亭朱天使命名彰賜而書其額一時名卿
韻人多咏其風致宣廟嘗曰造臣俱衣綺御獨不然仍舉示御
衣乃錦袍襖也○前叅判李春元卒春元字元結九歲六歲屬文為
承旨爭斥趙渡疏坐罷乙卯按湖南不去大妣尊歸坐削辛酉

中風反正後欲與便地養病春元曰男兒行世不可扶而行匍匐向人遂不復仕天資恬暢為詩天然不假雕飾而高處迥出
人上

亥乙

十三年正月奉成宗大王于世室先是禮曹言元宗祔廟後成宗當祧而成宗定五禮之制述大典之文制作之盛侔於世宗深仁厚澤遂致太平民到于今歌咏不衰誠當廟食百世至是命定為世室告廟頒赦○五月館學儒生宋時瑩等上疏請先正臣李珣成渾從祀文廟荅曰某等道德未高疵累有謗不許蔡振後吳挺一等疏毀兩賢時瑩等三疏下誣大臣尹昉吳允謙金尚容禮判趙翼亦疏論之四學及諸道儒生相繼疏下皆不得請○七月大風雨折木拔屋健元陵數百年喬木雷震穆陵石儀顛仆莎臺石如握破之狀大臣禮官奉審回啓陵上頽

崩乃風雨所漂非霹靂所震叅奉洪有一拿訊削職今此變異亦似辛卯識者憂之旄頭墮于闕西化為石大如狗頭金化雨

電如人面○左議政李廷龜卒

字聖徽 號月汝 兩館大提學 謚文忠公

石

亨玄孫甲子生之日虎伏戶外既生而去八月能走六歲見公子醉過吟曰金輪踏香草白馬即醉去世稱神童八歲題壁上山水畫曰山靄晚不收沈沈隱高樹溪流深不渡夜來前峯雨乙酉進士庚寅文科壬辰扈駕邢軍門生日賀帖有屬茲初辰時維九月轅門晝靜北海之樽常盈幕府秋清庾公之興不淺之句方天將滿城咨揭徃復日夕旁午左右酬應口占立草下誣奏文現天下誦之楊經理去思碑經理得之喜曰李尚書為我做出好文章懿仁喪為戶判都監所需諸物下吏採縱令市民日會都監民甚苦之乃令市民某日各持所需物齊會餘日

無未待期日都監閱儀軌舊簿視民所納取可用者不改用者令改之半日了盡昌慶昌德兩宮殿閣無呆愚鐵網將設鑄成廳事後甚鉅乃令一譯持數十金往買中江未數月而來費小而呆愚皆備以禮判山陵將寔之夜失火靈幄百僚惶惶乃令人各持其物以避無相侵犯火滅召集諸授儀物人按簿占視無一遺失又恐或有後言令三司六卿點視儀物然後封墓發引應用軍六十餘人例徵外方大為民弊而兵判建請量宜收布以雇用坊民遂為定式議定前代忠賢墓致祭文式又請鄭圃隱桶高麗侍中鄭公之墓以示不臣之意又請箕子墓號崇仁殿以鮮于寔為殿監秩視六品子孫世守焉勒石記事命廷龜製其文箕子書院賜額仁賢癸丑迺興被禍以內局提調問安自是大妃杜門俟罪不叅廷請丁巳別鰲城有斜陽數行淚立

馬穆陵村之句庚申奉使入京文人學士多求私藁以朝天錄與之左諭德汪輝自制序巫刊之葉世賢頌哀詔使雲南載其板以行爾瞻聞以為洩國中陰事請拿鞫不許靖社謀頗泄拿李貴金自點是夜南以恭自柳希奮家來言禍機朝夕且發可急解之廷龜即駕見希奮言李貴為國盡忠必無他象希奮惻然動聽事得已反正後為輔養官建請諸道置營將以管束伍戊辰拜相卒之日晴雷竟夕赤光亘天張谿谷曰公立朝四丁六年通歷六卿而九掌春官再典文衡禮樂儀章多所考定高文大冊事大交隣詞命出於公手者皆鴻荒可觀赴京師儗萃使各四艱難之際竭力盡誠紓國難雪國誣增國家之光萃者赫赫在人耳目其為文雲行水逝未嘗見敲推辛苦之色雖金石之文應製之作率皆使人操筆口誦以成不加點綴出輒膾炙

人口有魯訥者漂到浙江還言南方士子多傳誦蔡文節使
還言玉田有儒生出示公奏文寧遠寺僧誦公所贈詩問月沙
無恙否公嘗赴燕鎮江守將邱坦出候道左設綵綳供帳以迎
熊御使化請公宴于其第執禮甚恭其為華人敬慕如此嘗曰
吾於家踈濶如此而至於國事雖毫髮不敢欺者若有所施設
條目夜必森羅眼前

朝野會通卷之十九

